

॥ ऋग्वेदः मण्डलं ५ ॥

.. Rigveda Mandala 5 ..

sanskritdocuments.org

November 12, 2017

.. Rigveda Mandala 5 ..

॥ ऋग्वेदः मण्डलं ५ ॥

Sanskrit Document Information



Text title : Rigveda Mandalam 5

File name : r05.itx

Category : veda, rigveda, svara

Location : doc_veda

Author : Vedic Tradition

Transliterated by : 1. Source: Aufrecht/van Nooten/Holland (Samhita), 2. Final transliteration: Detlef Eichler

Proofread by : Detlef Eichler detlefeichler at gmail.com

Latest update : July 2, 2013

Send corrections to : detlefeichler@googlemail.com, sanskrit@cheerful.com

This text is prepared by volunteers and is to be used for personal study and research. The file is not to be copied or reposted without permission, for promotion of any website or individuals or for commercial purpose.

Please help to maintain respect for volunteer spirit.

November 12, 2017

sanskritdocuments.org



.. Rigveda Mandala 5 ..

॥ ऋग्वेदः मण्डलं ५ ॥



अबोध्यग्निः समिधा जनानां प्रति धेनुमिवायतीमुषासम् ।
यद्वा इव प्र वयामुञ्जिहानाः प्र भानवः सिस्त्रते नाकमच्छ ॥ ५.००१.०१
अबोधि होता यजथाय देवानूर्ध्वो अग्निः सुमनाः प्रातरस्थात् ।
समिद्धस्य रुशददर्शि पाजो महान्देवस्तमसो निरमोचि ॥ ५.००१.०२
यदीं गणस्य रशनामजीगः शुचिरङ्के शुचिभिर्गोभिरग्निः ।
आद्वक्षिणा युज्यते वाजयन्त्युत्तानामूर्ध्वो अधयञ्जुहूमिः ॥ ५.००१.०३
अग्निमच्छा देवयतां मनांसि चक्षूषीव सूर्ये सं चरन्ति ।
यदीं सुवाते उपसा विरूपे श्वेतो वाजी जायते अग्ने अह्वाम् ॥ ५.००१.०४
जनिष्ट हि जेन्यो अग्ने अह्वा हितो हितेष्वरूपो वनेषु ।
दमेदमे सप्त रत्ना दधानोऽग्निर्होता नि षसादा यजीयान् ॥ ५.००१.०५
अग्निर्होता न्यसीदद्यजीयानुपस्थे मातुः सुरभा उ लोके ।
युवा कविः पुरुनिष्ट ऋतावा धर्ता कृष्टीनामुत मध्य इद्धः ॥ ५.००१.०६
प्र णु त्यं विप्रमध्वरेषु साधुमग्निं होतारमीळते नमोभिः ।
आ यस्ततान रोदसी ऋतेन नित्यं मृजन्ति वाजिनं घृतेन ॥ ५.००१.०७
मार्जाल्यो मृज्यते स्वे दमूनाः कविप्रशस्तो अतिथिः शिवो नः ।
सहस्रशृङ्गो वृषभस्तदोजा विश्वाः अग्ने सहसा प्रास्यन्यान् ॥ ५.००१.०८
प्र सद्यो अग्ने अत्येष्यन्यानाविर्यस्मै चारुतमो बभूथ ।
ईळैन्यो वपुष्यो विभावा प्रियो विशामतिथिर्मानुषीणाम् ॥ ५.००१.०९
तुभ्यं भरन्ति क्षितयो यविष्ठ बलिमग्ने अन्तित ओत दूरात् ।
आ भन्दिष्ठस्य सुमतिं चिकिद्धि बृहत्ते अग्ने महि शर्म भद्रम् ॥ ५.००१.१०
आद्य रथं भानुमो भानुमन्तमग्ने तिष्ठ यजतेभिः समन्तम् ।

विद्वान्पथीनामुर्वशन्तरिक्षमेह देवान्हविरद्याय वक्षि ॥ ५.००१.११
 अवोचाम कवये मेध्याय वचो वन्दारु वृषभाय वृष्णे ।
 गविष्ठिरो नमसा स्तोममग्नौ दिवीव रुक्ममुरुव्यञ्चमश्रेत् ॥ ५.००१.१२
 कुमारं माता युवतिः समुब्धं गुहा बिभर्ति न ददाति पित्रे ।
 अनीकमस्य न मिनञ्जनासः पुरः पश्यन्ति निहितमरतौ ॥ ५.००२.०१
 कमेतं त्वं युवते कुमारं पेपी बिभर्षि महिषी जजान ।
 पूर्वीर्हि गर्भः शरदो ववर्धापश्यं जातं यदसूत माता ॥ ५.००२.०२
 हिरण्यदन्तं शुचिवर्णमाराल्क्षेत्रादपश्यमायुधा मिमानम् ।
 ददानो अस्मा अमृतं विपृक्त्किं मामनिन्द्राः कृणवन्ननुक्थाः ॥ ५.००२.०३
 क्षेत्रादपश्यं सनुतश्चरन्तं सुमद्युथं न पुरु शोभमानम् ।
 न ता अगृभ्रन्नजनिष्ट हि षः पलिक्रीरिद्युवतयो भवन्ति ॥ ५.००२.०४
 के मे मर्यकं वि यवन्त गोभिर्न येषां गोपा अरणश्चिदास ।
 य ई जगृभुरव ते सृजन्त्वाजाति पश्व उप नश्चिकित्वान् ॥ ५.००२.०५
 वसां राजानं वसतिं जनानामरातयो नि दधुर्मर्त्येषु ।
 ब्रह्माण्यत्रेव तं सृजन्तु निन्दितारो निन्द्यासो भवन्तु ॥ ५.००२.०६
 शुनश्चिच्छेपं निदितं सहस्राद्युपादमुञ्चो अशमिष्ट हि षः ।
 एवास्मदग्ने वि मुमुग्धि पाशान्होतश्चिकित्व इह तू निषद्य ॥ ५.००२.०७
 हृणीयमानो अप हि मदैयेः प्र मे देवानां व्रतपा उवाच ।
 इन्द्रो विद्वान् अनु हि त्वा चक्ष तेनाहमग्ने अनुशिष्ट आगाम् ॥ ५.००२.०८
 वि ज्योतिषा बृहता भात्यग्निराविर्विश्वानि कृणुते महित्वा ।
 प्रादेवीर्मायाः सहते दुरेवाः शिशोते शृङ्गे रक्षसे विनिक्षे ॥ ५.००२.०९
 उत स्वानासो दिवि षन्त्वग्नेस्तिग्मायुधा रक्षसे हन्तवा उ ।
 मदे चिदस्य प्र रुजन्ति भामा न वरन्ते परिबाधो अदेवीः ॥ ५.००२.१०
 एतं ते स्तोमं तुविजात विप्रो रथं न धीरः स्वपा अतक्षम् ।
 यदीदग्ने प्रति त्वं देव हर्याः स्वर्वतीरप एना जयेम ॥ ५.००२.११
 तुविप्रीवो वृषभो वावृधानोऽशन्वश्र्यः समजाति वेदः ।

इतीममग्निममृता॑ अवोचन्बर्हिष्मते॑ मनवे॑ शर्म॑ यंसद्धविष्मते॑ मनवे॑ शर्म॑ यंसत् ॥
५.००२.१२

त्वमग्ने॑ वरुणो॑ जायसे॑ यत्त्वं मित्रो॑ भवसि॑ यत्समिद्धः॑ ।

त्वे विश्वे॑ सहसस्पुत्र॑ देवास्त्वमिन्द्रो॑ दाशुषे॑ मर्त्याय ॥ ५.००३.०१

त्वमर्यमा॑ भवसि॑ यत्कनीनां॑ नाम स्वधावन्गुह्यं॑ विभर्षि॑ ।

अञ्जन्ति॑ मित्रं॑ सुधितं॑ न गोभिर्यद्वम्पती॑ समनसा॑ कृणोषि॑ ॥ ५.००३.०२

तव॑ श्रिये मरुतो॑ मर्जयन्त॑ रुद्र॑ यत्ते॑ जनिम॑ चारु॑ चित्रम् ।

पदं॑ यद्विष्णोरुपमं॑ निधायि॑ तेन॑ पासि॑ गुह्यं॑ नाम॑ गोनाम् ॥ ५.००३.०३

तव॑ श्रिया सुदृशो॑ देव॑ देवाः पुरू॑ दधाना॑ अमृतं॑ सपन्त॑ ।

होतारमग्निं॑ मनुषो॑ नि॑ षेदुर्दशस्यन्त॑ उशिजः॑ शंसमायोः ॥ ५.००३.०४

न त्वद्धोता॑ पूर्वो॑ अग्ने॑ यजीयान्न॑ काव्यैः॑ परो॑ अस्ति॑ स्वधावः॑ ।

विशश्च॑ यस्या॑ अतिथिर्भवासि॑ स॑ यज्ञेन॑ वनवद्देव॑ मर्तान् ॥ ५.००३.०५

वयमग्ने॑ वनुयाम॑ त्वोता॑ वसूयवो॑ हविषा॑ बुध्यमानाः॑ ।

वयं॑ समर्ये॑ विदथेष्वह्ना॑ वयं॑ राया॑ सहसस्पुत्र॑ मर्तान् ॥ ५.००३.०६

यो॑ न॒ आगो॑ अभ्येनो॑ भरात्यधीदघमघशंसे॑ दधात॑ ।

ज॒ही चिकित्वो॑ अभिशस्तिमेतामग्ने॑ यो नो॑ मर्चयति॑ द्वयेन॑ ॥ ५.००३.०७

त्वामस्या॑ व्युषि॑ देव॑ पूर्वे॑ दूतं॑ कृण्वाना॑ अयजन्त॑ हव्यैः॑ ।

संस्थे॑ यदग्र॑ ईयसे॑ रयीणां॑ देवो॑ मर्तेर्वसुभिरिध्यमानः॑ ॥ ५.००३.०८

अव॑ स्पृधि॑ पितरं॑ योधि॑ विद्वान्मुत्रो॑ यस्ते॑ सहसः॑ सून॑ ऊहे॑ ।

कदा॑ चिकित्वो॑ अभि॑ चक्षसे॑ नोऽग्ने॑ कदाँ॑ ऋतचिद्यातयासे॑ ॥ ५.००३.०९

भूरि॑ नाम॑ वन्दमानो॑ दधाति॑ पिता॑ वसो॑ यदि॑ तज्जोषयासे॑ ।

कुविद्देवस्य॑ सहसा॑ चकानः॑ सुम्रमग्निर्वनते॑ वावृधानः॑ ॥ ५.००३.१०

त्वमङ्ग॑ जरितारं॑ यविष्ठ॑ विश्वान्यग्ने॑ दुरिताति॑ पर्षि॑ ।

स्तेना॑ अदृश्रन्निपवो॑ जनासोऽज्ञातकेता॑ वृजिना॑ अभूवन् ॥ ५.००३.११

इमे॑ यामासस्त्वद्रिगभूवन्वसवे॑ वा॒ तदिदागो॑ अवाचि॑ ।

नाहायमग्निरभिशस्तये॑ नो॒ न रीषते॑ वावृधानः॑ परा॑ दात् ॥ ५.००३.१२

त्वामग्ने वसुपतिं वसूनामभि प्र मन्दे अध्वरेषु राजन् ।
 त्वया वाजं वाजयन्तो जयेमाभि प्याम पृत्सुतीर्मर्त्यानाम् ॥ ५.००४.०१
 हव्यवाळग्निरजरः पिता नो विभुर्विभावा सुदृशीको अस्मे ।
 सुगार्हपत्याः समिषो दिदीह्यस्मद्यक्षं मिमीहि श्रवासि ॥ ५.००४.०२
 विशां कविं विश्वपतिं मानुषीणां शुचिं पावकं घृतपृष्ठमग्निम् ।
 नि होतारं विश्वविदं दधिध्वे स देवेषु वनते वार्याणि ॥ ५.००४.०३
 जुषस्वाग्र इळया सजोषा यतमानो रश्मिभिः सूर्यस्य ।
 जुषस्व नः समिधं जातवेद आ च देवान्हविरद्याय वक्षि ॥ ५.००४.०४
 जुष्टो दमूना अतिथिर्दुरोण इमं नो यज्ञमुप याहि विद्वान् ।
 विश्वा अग्ने अभियुजो विहत्या शत्रूयतामा भरा भोजनानि ॥ ५.००४.०५
 वधेन दस्युं प्र हि चातयस्व वयः कृण्वानस्तन्वेऽस्वायै ।
 पिपर्षि यत्सहसस्पुत्र देवान्तसो अग्ने पाहि नृतम वाजे अस्मान् ॥ ५.००४.०६
 वयं ते अग्र उक्थैर्विधेम वयं हव्यैः पावक भद्रशोचे ।
 अस्मे रयिं विश्ववारं समिन्वास्मे विश्वानि द्रविणानि धेहि ॥ ५.००४.०७
 अस्माकमग्ने अध्वरं जुषस्व सहसः सूनो त्रिषधस्थ हव्यम् ।
 वयं देवेषु सुकृतः स्याम शर्मणा नस्त्रिवरूथेन पाहि ॥ ५.००४.०८
 विश्वानि नो दुर्गहा जातवेदः सिन्धुं न नावा दुरिताति पर्षि ।
 अग्ने अत्रिवन्नमसा गृणानोऽस्माकं बोध्यविता तनूनाम् ॥ ५.००४.०९
 यस्त्वा हृदा कीरिणा मन्यमानोऽमर्त्यं मर्त्यो जोहवीमि ।
 जातवेदो यशो अस्मासु धेहि प्रजाभिरग्ने अमृतत्वमश्याम् ॥ ५.००४.१०
 यस्मै त्वं सुकृते जातवेद उ लोकमग्ने कृणवः स्यो नम् ।
 अश्विनं स पुत्रिणं वीरवन्तं गोमन्तं रयिं नशते स्वस्ति ॥ ५.००४.११
 सुसमिद्धाय शोचिषे घृतं तीव्रं जुहोतन ।
 अग्रये जातवेदसे ॥ ५.००५.०१
 नराशंसः सुषूदतीमं यज्ञमदाभ्यः ।
 कविर्हि मधुहस्त्यः ॥ ५.००५.०२

ईळितो अ॒ग्न आ व॒हेन्द्रं चि॒त्रमि॒ह प्रि॒यम् ।
 सु॒खै रथे॑भि॒रूतये ॥ ५.००५.०३
 ऊ॒र्णप्र॒दा वि प्रथ॑स्वा॒भ्य॒र्का अ॒नूष॒त ।
 भवा॑ नः शु॒भ्र सा॒तये ॥ ५.००५.०४
 दे॒वीर्द्वा॒रो वि श्र॑य॒ध्वं सु॒प्राय॑णा न ऊ॒तये ।
 प्र॒प्र य॒ज्ञं पृ॑णीत॒न ॥ ५.००५.०५
 सु॒प्रती॑के वयो॒वृधा य॒ही ऋ॒तस्य॑ मा॒तरा ।
 दो॒षामु॒षास॑मी॒महे ॥ ५.००५.०६
 वा॒तस्य॑ प॒त्मन्नी॑ळिता दै॒व्या हो॒तारा॑ म॒नुषः ।
 इ॒मं नो य॒ज्ञमा ग॑तम् ॥ ५.००५.०७
 इ॒ळा सर॑स्वती म॒ही ति॒स्रो दे॒वीर्म॑यो॒भुवः ।
 ब॒र्हिः सी॑दन्त्व॒स्त्रिधः ॥ ५.००५.०८
 शि॒वस्त्व॑ष्ट॒रिहा ग॑हि वि॒भुः पोष॑ उ॒त त्मना॑ ।
 य॒ज्ञेय॑ज्ञे न उ॒दव ॥ ५.००५.०९
 यत्र॑ वे॒त्थ व॑नस्प॒ते दे॒वानां॑ गु॒ह्या नामा॑नि ।
 तत्र॑ ह॒व्यानि॑ गा॒मय ॥ ५.००५.१०
 स्वाहा॑ग्नये वरु॒णाय॑ स्वाहे॒न्द्राय॑ मरु॒द्भ्यः ।
 स्वाहा॑ दे॒वेभ्यो॑ ह॒विः ॥ ५.००५.११
 अ॒ग्निं तं म॑न्ये यो वसु॒रस्तं॑ यं यन्ति धे॒नवः ।
 अ॒स्तम॑र्वन्त आ॒शवोऽस्तं॑ नित्या॒सो वा॒जिन॑ इषं स्तो॒तृभ्य॑ आ भ॒र ॥ ५.००६.०१
 सो अ॒ग्निर्यो॑ वसु॒र्गृणे॑ सं यमा॒यन्ति॑ धे॒नवः ।
 स॒मर्व॑न्तो रघु॒द्रुवः॑ सं सु॒जा॒तासः॑ सू॒रय॑ इषं स्तो॒तृभ्य॑ आ भ॒र ॥ ५.००६.०२
 अ॒ग्निर्हि॑ वा॒जिनं॑ वि॒शे द॑दाति वि॒श्वच॑र्ष॒णिः ।
 अ॒ग्नी रा॒ये स्वा॑भु॒वं स प्री॑तो याति वा॒र्यमि॑षं स्तो॒तृभ्य॑ आ भ॒र ॥ ५.००६.०३
 आ ते॑ अ॒ग्न इ॒धीम॑हि द्यु॒मन्तं॑ दे॒वाज॑रम् ।
 य॒द्ध स्या॑ ते पनी॒यसी॑ स॒मिद्दी॑द॒र्यति॑ द्यवी॒षं स्तो॒तृभ्य॑ आ भ॒र ॥ ५.००६.०४

आ ते अग्र ऋचा हविः शुक्रस्य शोचिषस्पते ।
 सुश्चन्द्र दस्म विशपते हव्यवाट् तुभ्यं हूयत इषं स्तोतृभ्य आ भर ॥ ५.००६.०५
 प्रो त्ये अग्रयोऽग्निषु विश्वं पुष्यन्ति वार्यम् ।
 ते हिन्विरे त इन्विरे त इषण्यन्त्यानुषगिषं स्तोतृभ्य आ भर ॥ ५.००६.०६
 तव त्ये अग्ने अर्चयो महि ब्राधन्त वाजिनः ।
 ये पत्वभिः शफानां ब्रजा भुरन्त गोनामिषं स्तोतृभ्य आ भर ॥ ५.००६.०७
 नवा नो अग्र आ भर स्तोतृभ्यः सुक्षितीरिषः ।
 ते स्याम य आनृचुस्त्वाद्दासो दमेदम इषं स्तोतृभ्य आ भर ॥ ५.००६.०८
 उभे सुश्चन्द्र सर्पिषो दवीं श्रीणीष आसनि ।
 उतो न उत्पुपूर्वा उक्थेषु शवसस्पत इषं स्तोतृभ्य आ भर ॥ ५.००६.०९
 एवाँ अग्निमर्जुर्यमुर्गीर्भिर्यज्ञेभिरानुषक् ।
 दधदस्मे सुवीर्यमुत त्यदाश्वश्चमिषं स्तोतृभ्य आ भर ॥ ५.००६.१०
 सखायः सं वः सम्यञ्चमिषं स्तोमं चाग्रये ।
 वर्षिष्ठाय क्षितीनामूर्जो नत्रे सहस्वते ॥ ५.००७.०१
 कुत्रा चिद्यस्य समृतौ रणवा नरो नृषदने ।
 अर्हन्तश्चिद्यमिन्धते संजनयन्ति जन्तवः ॥ ५.००७.०२
 सं यदिषो वनामहे सं हव्या मानुषाणाम् ।
 उत द्युम्रस्य शवस ऋतस्य रश्मिमा ददे ॥ ५.००७.०३
 स स्मा कृणोति केतुमा नक्तं चिद्दूर आ सते ।
 पावको यद्वनस्पतीन्त्र स्मा मिनात्यजरः ॥ ५.००७.०४
 अव स्म यस्य वेषणे स्वेद पथिषु जुह्वति ।
 अभीमह स्वर्जन्यं भूमा पृष्ठेव रुरुहुः ॥ ५.००७.०५
 यं मर्त्यः पुरुस्पृहं विदद्विश्वस्य धायसे ।
 प्र स्वादनं पितूनामस्ततातिं चिदायवे ॥ ५.००७.०६
 स हि ष्मा धन्वाक्षितं दाता न दात्या पशुः ।
 हिरिश्मश्रुः शुचिदन्नभुरनिभृष्टतविषिः ॥ ५.००७.०७

शुचिः ष्म यस्मा अत्रिवत्प्र स्वधितीव रीयते ।
 सुपूरसूत माता क्राणा यदानशे भगम् ॥ ५.००७.०८
 आ यस्ते सर्पिरासुतेऽग्ने शमस्ति धायसे ।
 ऐषु द्युम्नमुत श्रव आ चित्तं मर्त्येषु धाः ॥ ५.००७.०९
 इति चिन्मन्युमध्रिजस्त्वादातमा पशुं ददे ।
 आदग्ने अपृणतोऽत्रिः सासह्याद्दस्यूनिषः सासह्यान्नृन् ॥ ५.००७.१०
 त्वामग्ने ऋतायवः समीधिरे प्रब्रं प्रलास ऊतये सहस्कृत ।
 पुरुश्रन्ध्रं यजतं विश्वधायसं दमूनसं गृहपतिं वरेण्यम् ॥ ५.००८.०१
 त्वामग्ने अतिथिं पूर्वं विशः शोचिष्केशं गृहपतिं नि षेदिरे ।
 बृहत्केतुं पुरुरूपं धनस्पृतं सुशर्माणं स्ववसं जरद्विषम् ॥ ५.००८.०२
 त्वामग्ने मानुषीरीळते विशो होत्राविदं विविचिं रत्नधातमम् ।
 गुहा सन्तं सुभग विश्वदर्शतं तुविष्वणसं सुयजं घृतश्रियम् ॥ ५.००८.०३
 त्वामग्ने धर्णासिं विश्वधा वयं गीर्भिर्गृणन्तो नमसोप सेदिम ।
 स नो जुषस्व समिधानो अङ्गिरो देवो मर्तस्य यशसा सुदीतिभिः ॥ ५.००८.०४
 त्वमग्ने पुरुरूपो विशेविशे वयो दधासि प्रब्रथा पुरुष्टुत ।
 पुरूण्यत्रा सहसा वि राजसि त्विषिः सा ते तित्विषाणस्य नाधुषे ॥ ५.००८.०५
 त्वामग्ने समिधानं यविष्म देवा दूतं चक्रिरे हव्यवाहनम् ।
 उरुन्नयसं घृतयोनिमाहुतं त्वेषं चक्षुर्दधिरे चोदयन्मति ॥ ५.००८.०६
 त्वामग्ने प्रदिव आहुतं घृतैः सुम्नायवः सुषमिधा समीधिरे ।
 स वावृधान ओषधीभिरुक्षितोऽभि ज्ञयांसि पार्थिवा वि तिष्ठसे ॥ ५.००८.०७
 त्वामग्ने हविष्मन्तो देवं मर्तास ईळते ।
 मन्ये त्वा जातवेदसं स हव्या वक्ष्यानुषक् ॥ ५.००९.०१
 अग्निर्होता दास्वतः क्षयस्य वृक्तबर्हिषः ।
 सं यज्ञासश्चरन्ति यं सं वाजासः श्रवस्यवः ॥ ५.००९.०२
 उत स्म यं शिशुं यथा नवं जनिष्टारणी ।
 धर्तारं मानुषीणां विशामग्निं स्वध्वरम् ॥ ५.००९.०३

उ॒त स्म॑ दु॒र्ग॒भी॒य॒से पु॒त्रो न ह्य॑र्या॒णाम् ।
 पु॒रू यो दग्धा॑सि वना॒ग्ने प॒शुर्न॑ यव॒से ॥ ५.००९.०४
 अध॑ स्म॒ यस्या॑र्च॒यः स॒म्यक्सं॑यन्ति धूमि॒नः ।
 यदी॑मह॒ त्रितो॑ दि॒व्युप॑ ध्मा॒तेव॑ ध॒मति॑ शि॒शीते॑ ध्मा॒तरी॑ यथा ॥ ५.००९.०५
 तवा॑हम॒ग्न ऊ॒तिभि॑र्मि॒त्रस्य॑ च प्र॒शस्ति॑भिः ।
 द्वेषो॑यु॒तो न दुरि॑ता तु॒र्याम॑ म॒र्त्याना॑म् ॥ ५.००९.०६
 तं नो॑ अ॒ग्ने अ॒भी नरो॑ र॒यिं सह॑स्व आ भर ।
 स क्षे॑प॒यत्स॑ पोष॒यद्भुव॑द्वा॒जस्य॑ सा॒तय॑ उ॒तैधि॑ पृ॒त्सु नो॑ वृ॒धे ॥ ५.००९.०७
 अ॒ग्न ओ॒जिष्ठ॑मा भर द्यु॒म्रम॑स्मभ्य॒मघ्नि॑गो ।
 प्र नो॑ रा॒या परी॑णसा॒ रत्सि॑ वा॒जाय॑ पन्था॒म् ॥ ५.०१०.०१
 त्वं नो॑ अ॒ग्ने अ॒द्भुत॑ ऋ॒त्वा द॑क्षस्य मं॒हना॑ ।
 त्वे अ॒सुर्य॑ः॒मारु॑ह॒त्क्रा॒णा मि॒त्रो न य॑ज्ञि॒यः ॥ ५.०१०.०२
 त्वं नो॑ अ॒ग्न एषां॑ ग॒यं पु॒ष्टिं च॑ वर्ध॒य ।
 ये स्तो॑मेभिः प्र॒सूर॑यो नरो॒ मघा॑न्या॒नशुः ॥ ५.०१०.०३
 ये अ॒ग्ने च॒न्द्र ते॑ गिरः शु॒म्भन्त्य॑श्वरा॒धसः॑ ।
 शुष्मे॑भिः शुष्मि॒णो नरो॑ दि॒वश्चि॑द्येषां बृ॒हत्सु॑की॒र्तिर्बोध॑ति॒ त्मना॑ ॥ ५.०१०.०४
 तव॑ त्ये अ॒ग्ने अ॒र्चयो॑ भ्राजन्तो॒ यन्ति॑ धृष्णु॒या ।
 परि॑ज्मानो न वि॒द्युतः॑ स्वानो रथो न वा॒जयुः॑ ॥ ५.०१०.०५
 नू नो॑ अ॒ग्न ऊ॒तये॑ स॒बाध॑सश्च रा॒तये॑ ।
 अ॒स्माका॑सश्च॒सूर॑यो विश्वा आशा॒स्तरी॑षणि ॥ ५.०१०.०६
 त्वं नो॑ अ॒ग्ने अ॒ङ्गिरः॑ स्तुतः स्त॒वान॑ आ भर ।
 होत॑र्वि॒भ्वास॑ह॒ रयिं॑ स्तो॒तृभ्यः॑ स्तव॒से च न॑ उ॒तैधि॑ पृ॒त्सु नो॑ वृ॒धे ॥ ५.०१०.०७
 जन॑स्य गो॒पा अ॒जनि॑ष्ट जा॒गृवि॑र॒ग्निः सु॑दक्षः सु॒विता॑य नव्य॒से ।
 घृ॒तप्र॑तीको बृ॒हता॑ दि॒विस्पृ॑शा द्यु॒मद्वि॑ भाति भर॒तेभ्यः॑ शुचिः ॥ ५.०११.०१
 य॒ज्ञस्य॑ के॒तुं प्र॑थ॒मं पु॑रोहि॒तम॑ग्निं नर॒स्त्रिष॑ध॒स्थे समी॑धिरे ।
 इ॒न्द्रेण॑ दे॒वैः सर॑थं स ब॒र्हिषि॑ सी॒दन्नि॑ होता॒ यज॑था॒य सु॒क्रतुः॑ ॥ ५.०११.०२

असम्मृष्टो जायसे मात्रोः शुचिर्मन्द्रः कविरुदतिष्ठो विवस्वतः ।
 घृतेन त्वावर्धयन्नग्न आहुत धूमस्ते केतुरभवद्विवि श्रितः ॥ ५.०११.०३
 अग्निर्नो यज्ञमुप वेतु साधुयाग्निं नरो वि भरन्ते गृहेगृहे ।
 अग्निर्दूतो अभवद्धव्यवाहनोऽग्निं वृणाना वृणते कविक्रतुम् ॥ ५.०११.०४
 तुभ्येदमग्ने मधुमत्तमं वचस्तुभ्यं मनीषा इयमस्तु शं हृदे ।
 त्वां गिरः सिन्धुमिवावनीर्महीरा पृणन्ति शवसा वर्धयन्ति च ॥ ५.०११.०५
 त्वामग्ने अङ्गिरसो गुहा हितमन्वविन्दञ्छिश्रियाणं वनेवने ।
 स जायसे मथ्यमानः सहो महत्वामाहुः सहसस्पुत्रमङ्गिरः ॥ ५.०११.०६
 प्राग्नये बृहते यज्ञियाय ऋतस्य वृष्णे असुराय मन्म ।
 घृतं न यज्ञ आस्येऽ सुपूतं गिरं भरे वृषभाय प्रतीचीम् ॥ ५.०१२.०१
 ऋतं चिकित्व ऋतमिच्चिकिद्धृतस्य धारा अनु तृन्धि पूर्वीः ।
 नाहं यातुं सहसा न द्वयेन ऋतं सपाम्यरुषस्य वृष्णः ॥ ५.०१२.०२
 कया नो अग्न ऋतयन्तेन भुवो नवेदा उचथस्य नव्यः ।
 वेदा मे देव ऋतुपा ऋतूनां नाहं पतिं सनितुरस्य रायः ॥ ५.०१२.०३
 के ते अग्ने रिपवे बन्धनासः के पायवः सनिषन्त द्युमन्तः ।
 के धासिमग्ने अनृतस्य पान्ति क आसतो वचसः सन्ति गोपाः ॥ ५.०१२.०४
 सखायस्ते विषुणा अग्न एते शिवासः सन्तो अशिवा अभूवन् ।
 अधूर्षत स्वयमेते वचोभिर्ऋजूयते वृजिनानि ब्रुवन्तः ॥ ५.०१२.०५
 यस्ते अग्ने नमसा यज्ञमीदृ ऋतं स पात्यरुषस्य वृष्णः ।
 तस्य क्षयः पृथुरा साधुरेतु प्रसस्त्राणस्य नहुषस्य शेषः ॥ ५.०१२.०६
 अर्चन्तस्त्वा हवामहेऽर्चन्तः समिधीमहि ।
 अग्ने अर्चन्त ऊतये ॥ ५.०१३.०१
 अग्नेः स्तोमं मनामहे सिध्नमद्य दिविस्पृशः ।
 देवस्य द्रविणस्यवः ॥ ५.०१३.०२
 अग्निर्जुषत नो गिरो होता यो मानुषेष्व्वा ।
 स यक्षद्वैव्यं जनम् ॥ ५.०१३.०३

त्वमग्ने सप्रथा असि जुष्टो होता वरेण्यः ।
 त्वया यज्ञं वि तन्वते ॥ ५.०१३.०४
 त्वामग्ने वाजसातमं विप्रा वर्धन्ति सुष्टुतम् ।
 स नो रास्व सुवीर्यम् ॥ ५.०१३.०५
 अग्ने नेमिरराँ इव देवाँस्त्वं परिभूरसि ।
 आ राधश्चित्रमृञ्जसे ॥ ५.०१३.०६
 अग्निं स्तोमेन बोधय समिधानो अमर्त्यम् ।
 हव्या देवेषु नो दधत् ॥ ५.०१४.०१
 तमध्वरेष्वीळते देवं मर्ता अमर्त्यम् ।
 यजिष्ठं मानुषे जनं ॥ ५.०१४.०२
 तं हि शश्वन्त ईळते सुचा देवं घृतश्रुता ।
 अग्निं हव्याय वोव्हवे ॥ ५.०१४.०३
 अग्निर्जातो अरोचत घ्नन्दस्यूञ्ज्योतिषा तमः ।
 अविन्दद्वा अपः स्वः ॥ ५.०१४.०४
 अग्निमीळैन्यं कविं घृतपृष्ठं सपर्यत ।
 वेतु मे शृणवद्धवम् ॥ ५.०१४.०५
 अग्निं घृतेन वावृधुः स्तोमेभिर्विश्वचर्षणिम् ।
 स्वाधीभिर्वचस्युभिः ॥ ५.०१४.०६
 प्र वेधसे कवये वेद्याय गिरं भरे यशसे पूर्व्याय ।
 घृतप्रसक्तो असुरः सुशेवो रायो धर्ता धरुणो वस्वो अग्निः ॥ ५.०१५.०१
 ऋतेन ऋतं धरुणं धारयन्त यज्ञस्य शाके परमे व्योमन् ।
 दिवो धर्मन्धरुणे सेदुषो नृञ्जातैरजाताँ अभि ये ननक्षुः ॥ ५.०१५.०२
 अङ्गोयुवस्तन्वस्तन्वते वि वयो महद्दुष्टं पूर्व्याय ।
 स संवतो नवजातस्तुतुर्यात्सिङ्गं न क्रुद्धमभितः परि ष्टुः ॥ ५.०१५.०३
 मातेव यद्धरसे प्रप्रथानो जनजनं धायसे चक्षसे च ।
 वयोवयो जरसे यद्दधानः परि त्मना विषुरूपो जिगासि ॥ ५.०१५.०४

वाजो नु ते शवसस्यात्वन्तमुरुं दोघं धरुणं देव रायः ।
पदं न तायुर्गुहा दधानो महो राये चितयन्नत्रिमस्सः ॥ ५.०१५.०५
बृहद्वयो हि भानवेऽर्चा देवायाग्रये ।
यं मित्रं न प्रशस्तिभिर्मर्तासो दधिरे पुरः ॥ ५.०१६.०१
स हि द्युभिर्जनानां होता दक्षस्य बाह्वोः ।
वि हव्यमग्निरानुषग्भगो न वारमृण्वति ॥ ५.०१६.०२
अस्य स्तोमे मघोनः सख्ये वृद्धशोचिषः ।
विश्वा यस्मिन्तुविष्वणि समर्ये शुष्ममादधुः ॥ ५.०१६.०३
अधा ह्यग्न एषां सुवीर्यस्य मंहना ।
तमिद्यह्वं न रोदसी परि श्रवो बभूवतुः ॥ ५.०१६.०४
नू न एहि वार्यमग्ने गृणान आ भर ।
ये वयं ये च सूरयः स्वस्ति धामहे सचोतैधि पृत्सु नो वृधे ॥ ५.०१६.०५
आ यज्ञैर्देव मर्त्य इत्था तव्यांसमृतये ।
अग्निं कृते स्वध्वरे पूरुरीळीतावसे ॥ ५.०१७.०१
अस्य हि स्वयशस्तर आसा विधर्मन्मन्यसे ।
तं नाकं चित्रशोचिषं मन्द्रं परो मनीषया ॥ ५.०१७.०२
अस्य वासा उ अर्चिषा य आयुक्त तुजा गिरा ।
दिवो न यस्य रेतसा बृहच्छोचन्त्यर्चयः ॥ ५.०१७.०३
अस्य क्रत्वा विचेतसो दस्मस्य वसु रथ आ ।
अधा विश्वासु हव्योऽग्निर्विक्षु प्र शस्यते ॥ ५.०१७.०४
नू न इद्धि वार्यमासा सचन्त सूरयः ।
ऊर्जो नपादभिष्टये पाहि शग्धि स्वस्तय उतैधि पृत्सु नो वृधे ॥ ५.०१७.०५
प्रातरग्निः पुरुप्रियो विशः स्तवेतातिथिः ।
विश्वानि यो अमर्त्यो हव्या मर्तेषु रण्यति ॥ ५.०१८.०१
द्विताय मृक्तवाहसे स्वस्य दक्षस्य मंहना ।
इन्दुं स धत्त आनुषक्स्तोता चित्ते अमर्त्य ॥ ५.०१८.०२

तं वो दीर्घायुशोचिषं गिरा हुवे मघोनाम् ।
 अरिष्टो येषां रथो व्यश्वदावन्नीयते ॥ ५.०१८.०३
 चित्रा वा येषु दीधितिरासन्नृक्था पान्ति ये ।
 स्तीर्णं बर्हिः स्वर्णरे श्रवासि दधिरे परि ॥ ५.०१८.०४
 ये मे पञ्चाशतं ददुरश्वानां सधस्तुति ।
 द्युमदग्ने महि श्रवो बृहत्कृधि मघोनां नृवदमृत नृणाम् ॥ ५.०१८.०५
 अभ्यवस्थाः प्र जायन्ते प्र वव्रेर्वत्रिश्चिकेत ।
 उपस्थे मातुर्वि चष्टे ॥ ५.०१९.०१
 जुहुरे वि चितयन्तोऽनिमिषं नृम्णं पान्ति ।
 आ दृक्हां पुरं विविशुः ॥ ५.०१९.०२
 आ श्वेत्रेयस्य जन्तवो द्युमद्वर्धन्त कृष्टयः ।
 निष्कग्रीवो बृहदुक्थ एना मध्वा न वाजयुः ॥ ५.०१९.०३
 प्रियं दुग्धं न काम्यमजामि जाम्योः सचा ।
 घर्मो न वाजजठरोऽदब्धः शश्वतो दभः ॥ ५.०१९.०४
 क्रीळन्नो रश्म आ भुवः सं भस्मना वायुना वेविदानः ।
 ता अस्य सन्धृषजो न तिग्माः सुसंशिता वक्ष्यो वक्षणेस्थाः ॥ ५.०१९.०५
 यमग्ने वाजसातम त्वं चिन्मन्यसे रयिम् ।
 तं नो गीर्भिः श्रवाय्य देवत्रा पनया युजम् ॥ ५.०२०.०१
 ये अग्ने नेरयन्ति ते वृद्धा उग्रस्य शवसः ।
 अप द्वेषो अप हुरोऽन्यव्रतस्य सश्चिरे ॥ ५.०२०.०२
 होतारं त्वा वृणीमहेऽग्ने दक्षस्य साधनम् ।
 यज्ञेषु पूर्वं गिरा प्रयस्वन्तो हवामहे ॥ ५.०२०.०३
 इत्था यथा त ऊतये सहसावन्दिवेदिवे ।
 राय ऋताय सुक्रतो गोभिः प्याम सधमादो वीरैः स्याम सधमादः ॥ ५.०२०.०४
 मनुष्वत्त्वा नि धीमहि मनुष्वत्समिधीमहि ।
 अग्ने मनुष्वदङ्गिरो देवान्देवयते यज ॥ ५.०२१.०१

त्वं हि मानुषे जनेऽग्रे सुप्रीत इध्यसे ।
 स्रुचस्त्वा यन्त्यानुषक्सुजात सर्पिरासुते ॥ ५.०२१.०२
 त्वां विश्वे सजोषसो देवासो दूतमक्रत ।
 सपर्यन्तस्त्वा कवे यज्ञेषु देवमीळते ॥ ५.०२१.०३
 देवं वो देवयज्ययाग्निमीळीत मर्त्यः ।
 समिद्धः शुक्र दीदिह्युतस्य योनिमासदः ससस्य योनिमासदः ॥ ५.०२१.०४
 प्र विश्वसामन्नत्रिवदर्चा पावकशोचिषे ।
 यो अध्वरेष्वीड्यो होता मन्द्रतमो विशि ॥ ५.०२२.०१
 न्यःश्रिं जातवेदसं दधाता देवमृत्विजम् ।
 प्र यज्ञ एत्वानुषगद्या देवव्यचस्तमः ॥ ५.०२२.०२
 चिकित्विन्मनसं त्वा देवं मतांस ऊतये ।
 वरेण्यस्य तेऽवस इयानासो अमन्महि ॥ ५.०२२.०३
 अग्ने चिकिद्धःस्य न इदं वचः सहस्य ।
 तं त्वा सुशिप्र दम्पते स्तोमैर्वधन्त्यत्रयो गीर्भिः शुम्भन्त्यत्रयः ॥ ५.०२२.०४
 अग्ने सहन्तमा भर द्युमस्य प्रासहा रयिम् ।
 विश्वा यश्चर्षणीरभ्याःसा वाजेषु सासहत् ॥ ५.०२३.०१
 तमग्ने पृतनापहं रयिं सहस्व आ भर ।
 त्वं हि सत्यो अद्भुतो दाता वाजस्य गोमतः ॥ ५.०२३.०२
 विश्वे हि त्वा सजोषसो जनासो वृक्तबर्हिषः ।
 होतारं सद्मसु प्रियं व्यन्ति वार्या पुरु ॥ ५.०२३.०३
 स हि ष्मा विश्वचर्षणिरभिमाति सहो दधे ।
 अग्र एषु क्षयेष्वा रेवन्नः शुक्र दीदिहि द्युमत्पावक दीदिहि ॥ ५.०२३.०४
 अग्ने त्वं नो अन्तम उत त्राता शिवो भवा वरूथ्यः ॥ ५.०२४.०१
 वसुरग्निर्वसुश्रवा अच्छा नक्षि द्युमत्तमं रयिं दाः ॥ ५.०२४.०२
 स नो बोधि श्रुधी हवमुरुष्या णो अघायतः समस्मात् ॥ ५.०२४.०३
 तं त्वा शोचिष्ठ दीदिवः सुम्नाय नूनमीमहे सखिभ्यः ॥ ५.०२४.०४

अच्छा वो अग्निमवसे देवं गासि स नो वसुः ।
 रासत्पुत्र ऋषूणामृतावा पर्षति द्विषः ॥ ५.०२५.०१
 स हि सत्यो यं पूर्वे चिद्देवासश्चिद्यमीधिरे ।
 होतारं मन्द्रजिह्वमित्सुदीतिभिर्विभावसुम् ॥ ५.०२५.०२
 स नो धीती वरिष्ठया श्रेष्ठया च सुमत्या ।
 अग्ने रायो दिदीहि नः सुवृक्तिभिर्वरेण्य ॥ ५.०२५.०३
 अग्निर्देवेषु राजत्यग्निर्मतृष्वाविशन् ।
 अग्निनो हव्यवाहनोऽग्निं धीभिः सपर्यत ॥ ५.०२५.०४
 अग्निस्तुविश्रवस्तमं तुविब्रह्माणमुत्तमम् ।
 अतूर्तं श्रावयत्पतिं पुत्रं ददाति दाशुषे ॥ ५.०२५.०५
 अग्निर्ददाति सत्पतिं सासाह यो युधा नृभिः ।
 अग्निरत्यं रघुष्यदं जेतारमपराजितम् ॥ ५.०२५.०६
 यद्वाहिष्ठं तदग्रये बृहदर्चं विभावसो ।
 महिषीव त्वद्भयिस्त्वद्वाजा उदीरते ॥ ५.०२५.०७
 तव द्युमन्तो अर्चयो ग्रावेवोच्यते बृहत् ।
 उतो ते तन्यतुर्यथा स्वानो अर्तं त्मना दिवः ॥ ५.०२५.०८
 एवाँ अग्निं वसूयवः सहसानं ववन्दिम ।
 स नो विश्वा अति द्विषः पर्षन्नावेव सुक्रतुः ॥ ५.०२५.०९
 अग्ने पावक रोचिषा मन्द्रया देव जिह्वया ।
 आ देवान्वक्षि यक्षि च ॥ ५.०२६.०१
 तं त्वा घृतस्त्रवीमहे चित्रभानो स्वर्दृशम् ।
 देवाँ आ वीतये वह ॥ ५.०२६.०२
 वीतिहोत्रं त्वा कवे द्युमन्तं समिधीमहि ।
 अग्ने बृहन्तमध्वरे ॥ ५.०२६.०३
 अग्ने विश्वभिरा गहि देवेभिर्हव्यदातये ।
 होतारं त्वा वृणीमहे ॥ ५.०२६.०४

यज॑मानाय॒ सु॒न्वत॑ आ॒ग्ने सु॒वीर्यं॑ वह ।
 दे॒वैरा॑ स॒त्सि ब॑र्हिषि ॥ ५.०२६.०५
 स॒मि॒धानः॑ स॒हस्र॑जि॒द्रे ध॑र्माणि पुष्यसि ।
 दे॒वानां॑ दू॒त उ॒क्थ्यः ॥ ५.०२६.०६
 न्य॑ऽग्निं जा॒तवे॑दसं हो॒त्रवा॑हं यवि॒ध्रम् ।
 दधा॑ता दे॒वमृ॑त्विजम् ॥ ५.०२६.०७
 प्र य॒ज्ञ ए॒त्वानु॑षगद्या दे॒वव्य॑चस्तमः ।
 स्तृ॒णीत॑ ब॒र्हि॒रास॑दे ॥ ५.०२६.०८
 ए॒दं म॑रुतो अ॒श्विना॑ मि॒त्रः सी॑दन्तु वरुणः ।
 दे॒वासः॑ सर्व॒या वि॒शा ॥ ५.०२६.०९
 अन॑स्वन्ता स॒त्पति॑र्मा॒महे मे॑ गा॒वा चे॒तिष्ठो॑ असु॒रो म॑घोनः ।
 त्रै॒वृष्णो॑ अ॒ग्ने द॑शभिः स॒हस्रै॑र्वैश्वान॒र त्र्य॑रुणश्चिकेत ॥ ५.०२७.०१
 यो मे॑ श॒ता च॑ विंशतिं च॒ गोनां॑ ह॒री च॑ यु॒क्ता सु॑धुरा ददाति ।
 वैश्वान॑र सु॒ष्टुतो॑ वावृ॒धानोऽग्ने॑ यच्छ॒ त्र्यरु॑णाय शर्म ॥ ५.०२७.०२
 ए॒वा ते॑ अ॒ग्ने सु॑मतिं च॒कानो॑ नवि॒ष्ठाय॑ न॒वमं॑ त्रसदस्युः ।
 यो मे॑ गि॒रस्तु॑विजा॒तस्य॑ पूर्वीर्यु॒क्तेना॑भि त्र्यरुणो गुणाति ॥ ५.०२७.०३
 यो म॑ इति प्र॒वोच॑त्यश्वमे॒धाय॑ सू॒रये॑ ।
 दद॑दृ॒चा स॒निं य॑ते ददन्मे॒धामृ॑तायते ॥ ५.०२७.०४
 यस्य॑ मा॒ परु॑षाः श॒तमु॒द्धर्ष॑यन्त्यु॒क्षणः॑ ।
 अश्व॑मे॒धस्य॑ दानाः सोमा इ॒व त्र्या॑शिरः ॥ ५.०२७.०५
 इन्द्रा॑ग्नी श॒तदा॒ब्र्यश्व॑मे॒धे सु॑वीर्यम् ।
 क्ष॒त्रं धा॑रयतं बृ॒हद्वि॑वि सू॒र्यमि॑वा॒जरम् ॥ ५.०२७.०६
 स॒मिद्धो॑ अ॒ग्निर्दिवि॑ शोचि॒रश्रे॑त्प्रत्यङ्कु॒षस॑मुर्विया वि भाति ।
 ए॒ति प्रा॑ची वि॒श्ववा॑रा नमोभि॒र्देवाँ॑ ईळा॒ना ह॑विषा घृ॒ताची॑ ॥ ५.०२८.०१
 स॒मि॒ध्यमा॑नो अ॒मृत॑स्य राजसि ह॒विष्कृ॑ण्वन्तं सचसे स्वस्तये ।
 विश्वं॑ स ध॒त्ते द्र॒विणं॑ यमिन्व॒स्याति॑थ्यम॒ग्ने नि च॑ ध॒त्त इ॒त्पुरः ॥ ५.०२८.०२

अग्ने शर्ध महते सौभगाय तव द्युम्नान्युत्तमानि सन्तु ।
 सं जास्पत्यं सुयममा कृणुष्व शत्रूयतामभि तिष्ठा महासि ॥ ५.०२८.०३
 समिद्धस्य प्रमहसोऽग्ने वन्दे तव श्रियम् ।
 वृषभो द्युम्नवाँ असि समध्वरोष्विध्यसे ॥ ५.०२८.०४
 समिद्धो अग्न आहुत देवान्यक्षि स्वध्वर ।
 त्वं हि हव्यवाळसि ॥ ५.०२८.०५
 आ जुहोता दुवस्यताग्निं प्रयत्यध्वरे ।
 वृणीध्वं हव्यवाहनम् ॥ ५.०२८.०६
 त्र्यर्यमा मनुषो देवताता त्री रोचना दिव्या धारयन्त ।
 अर्चन्ति त्वा मरुतः पूतदक्षास्त्वमेषामृषिरिन्द्रासि धीरः ॥ ५.०२९.०१
 अनु यदी मरुतो मन्दसानमार्चन्निन्द्र पपिवांसं सुतस्य ।
 आदत्त वज्रमभि यदहिं हन्नपो यहीरसृजत्सर्तवा उ ॥ ५.०२९.०२
 उत ब्रह्माणो मरुतो मे अस्येन्द्रः सोमस्य सुषुतस्य पेयाः ।
 तद्धि हव्यं मनुषे गा अविन्ददहन्नहि पपिवाँ इन्द्रो अस्य ॥ ५.०२९.०३
 आद्रोदसी वितरं वि ष्कभायत्संविद्व्यानश्चिद्वियसे मृगं कः ।
 जिगर्तिमिन्द्रो अपजगुराणः प्रति श्वसन्तमव दानवं हन् ॥ ५.०२९.०४
 अध ऋत्वा मघवन्तुभ्यं देवा अनु विश्वे अददुः सोमपेयम् ।
 यत्सूर्यस्य हरितः पतन्तीः पुरः सतीरुपरा एतशे कः ॥ ५.०२९.०५
 नव यदस्य नवतिं च भोगान्साकं वज्रेण मघवा विवृश्वत् ।
 अर्चन्तीन्द्र मरुतः सधस्थे त्रैष्टुभेन वचसा बाधत द्याम् ॥ ५.०२९.०६
 सखा सख्ये अपचत्तूयमग्निरस्य ऋत्वा महिषा त्री शतानि ।
 त्री साकमिन्द्रो मनुषः सरासि सुतं पिबद्वृत्रहत्याय सोमम् ॥ ५.०२९.०७
 त्री यच्छ्रुता महिषाणामघो मास्त्री सरासि मघवा सोम्यापाः ।
 कारं न विश्वे अह्वन्त देवा भरमिन्द्राय यदहिं जघान ॥ ५.०२९.०८
 उशना यत्सहस्यैःशरयातं गृहमिन्द्र जूजुवानेभिरश्वैः ।
 वन्वानो अत्र सरथं ययाथ कुत्सेन देवैरवनोर्हं शुष्णम् ॥ ५.०२९.०९

प्रान्यच्चक्रमवृहः सूर्यस्य कुत्सायान्यद्वरिवो यातवेऽकः ।
 अनासो दस्यूर्मृणो वधेन नि दुर्योण आवृणद्भ्रवाचः ॥ ५.०२९.१०
 स्तोमासस्त्वा गौरिवीतेरवर्धन्नरन्धयो वैदथिनाय पिप्रुम् ।
 आ त्वामृजिश्वा सख्याय चक्रे पचन्पक्तीरपिबः सोममस्य ॥ ५.०२९.११
 नवग्वासः सुतसोमास इन्द्रं दशग्वासो अभ्यर्चन्त्यर्कैः ।
 गव्यं चिदूर्वमपिधानवन्तं तं चिन्नरः शशमाना अप ब्रन् ॥ ५.०२९.१२
 कथो नु ते परि चराणि विद्वान्वीर्या मघवन्या चकथं ।
 या चो नु नव्या कृणवः शविष्ठ प्रेदु ता ते विदथेषु ब्रवाम ॥ ५.०२९.१३
 एता विश्वा चकृवाँ इन्द्र भूर्यपरीतो जनुषा वीर्येण ।
 या चिन्नु वञ्जिन्कृणवो दधुष्वान्न ते वर्ता तविष्या अस्ति तस्याः ॥ ५.०२९.१४
 इन्द्रं ब्रह्म क्रियमाणा जुषस्व या ते शविष्ठ नव्या अकर्म ।
 वस्त्रेव भद्रा सुकृता वस्यू रथं न धीरः स्वपा अतक्षम् ॥ ५.०२९.१५
 क्वस्य वीरः को अपश्यदिन्द्रं सुखरथमीयमानं हरिभ्याम् ।
 यो राया वञ्जी सुतसोममिच्छन्तदोको गन्ता पुरुहूत ऊती ॥ ५.०३०.०१
 अवाचचक्षं पदमस्य सस्वरुग्रं निधातुरन्वायमिच्छन् ।
 अपृच्छमन्याँ उत ते म आहरिन्द्रं नरो बुबुधाना अशेम ॥ ५.०३०.०२
 प्र नु वयं सुते या ते कृतानीन्द्रं ब्रवाम यानि नो जुजोषः ।
 वेददविद्वान्छृणवच्च विद्वान्वहतेऽयं मघवा सर्वसेनः ॥ ५.०३०.०३
 स्थिरं मनश्चकृषे जात इन्द्र वेपीदेको युधये भूयसश्चित् ।
 अश्मानं चिच्छवसा दिद्युतो वि विदो गवामूर्वमुस्त्रियाणाम् ॥ ५.०३०.०४
 परो यत्त्वं परम आजनिष्ठाः परावति श्रुत्यं नाम बिभ्रत् ।
 अतश्चिदिन्द्रादभयन्त देवा विश्वा अपो अजयद्वासपत्नीः ॥ ५.०३०.०५
 तुभ्येदेते मरुतः सुशेवा अर्चन्त्यर्कं सुन्वन्त्यन्धः ।
 अहिमोहानमप आशयानं प्र मायाभिर्मायिनं सक्षदिन्द्रः ॥ ५.०३०.०६
 वि पू मृधो जनुषा दानमिन्वन्नहन्वा मघवन्संचकानः ।
 अत्रा दासस्य नमुचेः शिरो यदवर्तयो मनवे गातुमिच्छन् ॥ ५.०३०.०७

युजं हि मामकृथा आदिदिन्द्र शिरो दासस्य नमुचेर्मथायन् ।
 अश्मानं चित्स्वर्यं१ वर्तमानं प्र चक्रियेव रोदसी मरुद्भ्यः ॥ ५.०३०.०८
 स्त्रियो हि दास आयुधानि चक्रे किं मा करन्नबला अस्य सेनाः ।
 अन्तर्ह्यख्यदुभे अस्य धेने अथोप प्रैद्युधये दस्युमिन्द्रः ॥ ५.०३०.०९
 समत्र गावोऽभितोऽनवन्तेहेह वत्सैर्वियुता यदासन् ।
 सं ता इन्द्रो असृजदस्य शाकैर्यदीं सोमासः सुषुता अमन्दन् ॥ ५.०३०.१०
 यदीं सोमा बभ्रुधूता अमन्दन्नरोरवीद्वृषभः सादनेषु ।
 पुन्रंदरः पपिवाँ इन्द्रो अस्य पुनर्गवामददादुस्त्रियाणाम् ॥ ५.०३०.११
 भद्रमिदं रुशमा अग्ने अक्रन्वावां चत्वारि ददतः सहस्रा ।
 ऋणंचयस्य प्रयता मघानि प्रत्यग्रभीष्म नृतमस्य नृणाम् ॥ ५.०३०.१२
 सुपेशसं माव सृजन्त्यस्तं गवां सहस्रै रुशमासो अग्ने ।
 तीव्रा इन्द्रमममन्दुः सुतासोऽक्तोव्युष्टौ परितक्यायाः ॥ ५.०३०.१३
 औच्छत्सा रात्री परितक्या याँ ऋणंचये राजनि रुशमानाम् ।
 अत्यो न वाजी रघुरज्यमानो बभ्रुश्चत्वार्यसनत्सहस्रा ॥ ५.०३०.१४
 चतुःसहस्रं गव्यस्य पश्वः प्रत्यग्रभीष्म रुशमेष्वग्ने ।
 घर्मश्चित्तसः प्रवृजे य आसीदयस्मयस्तम्वादाम विप्राः ॥ ५.०३०.१५
 इन्द्रो रथाय प्रवतं कृणोति यमध्यस्थान्मघवा वाजयन्तम् ।
 यूथेव पश्वो व्युनोति गोपा अरिष्टो याति प्रथमः सिषासन् ॥ ५.०३१.०१
 आ प्र द्रव हरिवो मा वि वेनः पिशङ्गराते अभि नः सचस्व ।
 नहि त्वदिन्द्र वस्यो अन्यदस्त्यमेनाँश्चिञ्चनिवतश्चकर्थ ॥ ५.०३१.०२
 उद्यत्सहः सहस आजनिष्ट देदिष्ट इन्द्र इन्द्रियाणि विश्वा ।
 प्राचोदयत्सुदुघा वव्रे अन्तर्वि ज्योतिषा संववृत्वत्तमोऽवः ॥ ५.०३१.०३
 अनवस्ते रथमश्वाय तक्षन्त्वष्टा वज्रं पुरुहूत द्युमन्तम् ।
 ब्रह्माण इन्द्रं महयन्तो अर्कैरवर्धयन्नहये हन्तवा उ ॥ ५.०३१.०४
 वृष्णे यत्ते वृषणो अर्कमर्चानिन्द्र ग्रावाणो अदितिः सजोषाः ।
 अनश्वासो ये पवयोऽरथा इन्द्रेषिता अभ्यवर्तन्त दस्यून् ॥ ५.०३१.०५

प्र ते पूर्वाणि करणानि वोचं प्र नूतना मघवन्त्या चकर्थ ।
 शक्तीवो यद्विभरा रोदसी उभे जयन्नपो मनवे दानुचित्राः ॥ ५.०३१.०६
 तदिन्नु ते करणं दस्म विप्राहिं यद्वन्नोजो अत्रामिमीथाः ।
 शुष्णस्य चित्परि माया अगृभ्णाः प्रपित्वं यन्नप दस्यूर्सेधः ॥ ५.०३१.०७
 त्वमपो यदवे तुर्वशायारमयः सुदुघाः पार इन्द्र ।
 उग्रमयातमवहो ह कुत्सं सं ह यद्वामुशनारन्त देवाः ॥ ५.०३१.०८
 इन्द्राकुत्सा वहमाना रथेना वामत्या अपि कर्णं वहन्तु ।
 निः षीमद्भ्यो धमथो निः षधस्थान्मघोनो हृदो वरथस्तमासि ॥ ५.०३१.०९
 वातस्य युक्तान्सुयुजश्चिदश्वान्कविश्चिदेषो अजगन्नवस्युः ।
 विश्वे ते अत्र मरुतः सखाय इन्द्र ब्रह्माणि तविषीमवर्धन् ॥ ५.०३१.१०
 सूर्श्चिद्व्रथं परितक्यायां पूर्वं करदुपरं जूजुवांसम् ।
 भरच्चक्रमेतशः सं रिणाति पुरो दधत्सनिष्यति क्रतु नः ॥ ५.०३१.११
 आयं जना अभिचक्षे जगामेन्द्रः सखायं सुतसोममिच्छन् ।
 वदन्प्रावाव वेदि भ्रियाते यस्य जीरमध्वर्यवश्चरन्ति ॥ ५.०३१.१२
 ये चाकनन्त चाकनन्त नू ते मर्ता अमृत मो ते अंह आरन् ।
 वावन्धि यज्यूर्कृत तेषु धेह्योजो जनेषु येषु ते स्याम ॥ ५.०३१.१३
 अदर्दरुत्समसृजो वि खानि त्वमर्णवान्बद्धधानाँ अरम्णाः ।
 महान्तमिन्द्र पर्वतं वि यद्वः सृजो वि धारा अव दानवं हन् ॥ ५.०३२.०१
 त्वमुत्साँ ऋतुभिर्बद्धधानाँ अरह ऊधः पर्वतस्य वज्रिन् ।
 अहिं चिदुग्र प्रयुतं शयानं जघन्वाँ इन्द्र तविषीमधत्थाः ॥ ५.०३२.०२
 त्यस्य चिन्महतो निर्मृगस्य वधर्जघान तविषीभिरिन्द्रः ।
 य एक इदप्रतिर्मन्यमान आदस्मादन्यो अजनिष्ट तव्यान् ॥ ५.०३२.०३
 त्यं चिदेषां स्वधया मदन्तं मिहो नपातं सुवृधं तमोगाम् ।
 वृषप्रभर्मा दानवस्य भामं वज्रेण वज्री नि जघान शुष्णम् ॥ ५.०३२.०४
 त्यं चिदस्य क्रतुभिर्निषत्तममर्मणो विददिदस्य मर्म ।
 यदीं सुक्षत्र प्रभृता मदस्य युयुत्सन्तं तमसि हर्म्ये धाः ॥ ५.०३२.०५

त्यं चिदि॒त्था क॒त्पयं॑ श॒यान॑म॒सूर्ये॑ तम॒सि वावृ॑धानम् ।
 तं चिन्म॒न्दानो॑ वृष॒भः सु॒तस्यो॑च्चैरिन्द्रो॒ अपगू॑र्या जघान ॥ ५.०३२.०६
 उद्यदिन्द्रो॒ मह॑ते दान॒वाय॑ व॒धर्य॑मिष्ट॒ सहो॑ अप्रतीतम् ।
 यदीं॑ व॒ज्रस्य॑ प्रभृतौ ददा॒भ विश्व॑स्य ज॒न्तोर्ध॑मं चकार ॥ ५.०३२.०७
 त्यं चिदर्णं॑ मधु॒पं श॒यान॑म॒सिन्वं॑ व॒ज्रं म॒ह्याद॑दुग्रः ।
 अ॒पाद॑म॒त्रं म॒हता॑ व॒धेन॑ नि॒ दुर्यो॑ण आ॒वृण॑ङ्गुध्र॒वाच॑म् ॥ ५.०३२.०८
 को अ॒स्य शु॒ष्मं त॒विषीं॑ वरा॒त ए॒को ध॒ना भ॑रते अप्रतीतः ।
 इ॒मे चि॒दस्य॑ ज्रय॒सो नु॑ दे॒वी इन्द्र॑स्यौज॒सो भि॒यसा॑ जिहाते ॥ ५.०३२.०९
 न्य॒स्मै दे॒वी स्व॑धि॒तिर्जि॑हीत॒ इन्द्रा॑य गा॒तुरु॑शतीव॒ येमे॑ ।
 सं यदो॒जो यु॒वते॑ वि॒श्वमा॑भिर॒नु स्व॑धात्रे॒ क्षि॒तयो॑ नमन्त ॥ ५.०३२.१०
 ए॒कं नु॑ त्वा॒ सत्प॑तिं पा॒ञ्चज॑न्यं जा॒तं शृ॒णोमि॑ य॒शसं॑ जनेषु ।
 तं मे॑ जगृ॒भ्र आ॒शसो॑ न॒विष्टं॑ दोषा व॒स्तोर्ह॑व॒माना॑स॒ इन्द्र॑म् ॥ ५.०३२.११
 ए॒वा हि॑ त्वा॒मृ॒तुथा॑ या॒तय॑न्तं म॒घा वि॑प्र॒भ्यो द॑दतं शृ॒णोमि॑ ।
 किं ते॑ ब्र॒ह्मा॒णो गृ॑ह॒ते स॒खायो॑ ये त्वा॒या नि॑दधुः का॒ममि॑न्द्र ॥ ५.०३२.१२
 म॒हि म॒हे त॒वसे॑ दी॒ध्ये नृ॑निन्द्रा॒येत्था॑ त॒वसे॑ अ॒तव्या॑न् ।
 यो अ॒स्मै सु॑म॒तिं वा॒जसा॑तौ स्तु॒तो ज॑ने॒ सम॑र्यश्चिकेत ॥ ५.०३३.०१
 स त्वं न॑ इन्द्र॒ धि॒यसा॑नो अ॒र्कैर्ह॑रीणां वृष॒न्यो॒क्रम॑श्रेः ।
 या इ॒त्था म॑घ॒वन्न॑नु॒ जोषं॑ व॒क्षो अ॒भि प्रा॑र्यः स॒क्षि ज॑नान् ॥ ५.०३३.०२
 न ते त॑ इन्द्रा॒भ्यश्॑स्मदृ॒ष्वायु॑क्तासो अ॒ब्र॒ह्मता॑ यदसन् ।
 ति॒ष्ठा रथ॑मधि॒ तं व॒ज्रह॑स्ता र॒श्मिं दे॒व य॑मसे॒ स्वश्वः॑ ॥ ५.०३३.०३
 पु॒रू य॑त्त॒ इन्द्र॑ सन्त्यु॒क्था ग॑वे च॒कर्थो॑र्व॒रासु॑ यु॒ध्यन् ।
 त॒तक्षे॑ सू॒र्याय॑ चि॒दो॒कसि॑ स्वे वृषा॒ सम॑त्सु दा॒सस्य॑ नाम चित् ॥ ५.०३३.०४
 व॒यं ते॑ त॒ इन्द्र॑ ये च॒ नरः॑ श॒धो ज॑ज्ञाना॒ याता॑श्च॒ रथाः॑ ।
 आ॒स्माञ्ज॑ग॒म्याद॑हि॒शुष्म॑ स॒त्वा भ॑गो न ह॒व्यः प्र॑भृ॒थेषु॑ चा॒रुः ॥ ५.०३३.०५
 प॒पृ॒क्षेण्य॑मिन्द्र॒ त्वे ह्यो॒जो नृ॑म्णानि च॒ नृ॒तमा॑नो अ॒मर्तः॑ ।
 स न॑ ए॒र्नी व॑स॒वानो॑ र॒रिं दाः॑ प्रा॒र्यः स्तु॑षे तु॒विम॑घ॒स्य दान॑म् ॥ ५.०३३.०६

ए॒वा न॑ इन्द्रो॒तिभि॑रव॒ पाहि॑ गृणतः शूर॒ कारू॑न् ।
 उ॒त त्वचं॑ ददतो॒ वाज॑सातौ पि॒प्रीहि॑ मध्वः सु॒षुत॑स्य चारोः ॥ ५.०३३.०७
 उ॒त त्ये मा॑ पौरुकु॒त्स्यस्य॑ सू॒रे॒स्रस॑दस्योर्हि॒रणि॑नो रराणाः ।
 व॒हन्तु॑ मा दश॒ श्येता॑सो अस्य गैरि॒क्षित॑स्य क्र॒तुभि॑र्नु स॒श्वे ॥ ५.०३३.०८
 उ॒त त्ये मा॑ मारु॒ताश्व॑स्य शोणाः क्र॒त्वाम॑घासो वि॒दथ॑स्य रा॒तौ ।
 स॒हस्रा॑ मे च्यव॒तानो॑ ददान॒ आनु॑कमर्यो वपु॒षे नाच॑त् ॥ ५.०३३.०९
 उ॒त त्ये मा॑ ध्व॒न्यस्य॑ जुष्टा लक्ष्म॒ण्यस्य॑ सु॒रुचो॑ यतानाः ।
 म॒ह्ना रा॑यः सं॒वर॑णस्य ऋषे॒र्व्रजं॑ न गावः प्र॒यता॑ अपि ग॒मन् ॥ ५.०३३.१०
 अजा॑तशत्रुम॒जरा॑ स्व॒र्वत्य॑नु स्व॒धामि॑ता द॒स्ममी॑यते ।
 सु॒नोत॑न प॒चत॑ ब्रह्मवाह॒से पुरु॑ष्टु॒ताय॑ प्र॒तरं॑ दधातन ॥ ५.०३४.०१
 आ यः सोमे॑न ज॒ठर॑मपि॒प्रता॑मन्दत म॒घवा॑ मध्वो अ॒न्धसः॑ ।
 यदी॑ मृगाय॒ हन्त॑वे म॒हावधः॑ स॒हस्र॑भृष्टिमु॒शना॑ वधं यमत् ॥ ५.०३४.०२
 यो अ॒स्मै घ्न॑स उ॒त वा॑ य ऊ॒धनि॑ सोमं सु॒नोति॑ भवति द्यु॒माँ अह॑ ।
 अ॒पाप॑ श॒क्रस्त॑तनुष्टि॒मूह॑ति त॒नूशु॑भ्रं म॒घवा॑ यः क॒वास॑खः ॥ ५.०३४.०३
 यस्या॑वधी॒त्पित॑रं यस्य मा॒तरं॑ यस्य श॒क्रो भ्रा॑तरं नात ई॒षते॑ ।
 वेती॑द्वस्य प्र॒यता॑ यतं॒करो॑ न कि॒ल्बि॑षादी॒षते॑ व॒स्व आ॑करः ॥ ५.०३४.०४
 न प॒ञ्चभि॑र्दशभिर्वि॒ष्ट्या॑रभं नासु॒न्वता॑ स॒चते॑ पु॒ष्यता॑ च॒न ।
 जि॒नाति॑ वेद॒मया॑ ह॒न्ति वा॑ धु॒निरा॑ दे॒वयुं॑ भ॒जति॑ गो॒मति॑ ब्र॒जे ॥ ५.०३४.०५
 वि॒त्व॒क्ष्णः॑ स॒मृतौ॑ च॒क्रमा॑स॒जोऽसु॒न्वतो॑ वि॒षुणः॑ सु॒न्वतो॑ वृ॒धः ।
 इन्द्रो॑ विश्वस्य द॒मिता॑ वि॒भीष॑णो यथा॒वशं॑ न॒यति॑ दा॒समा॑र्यः ॥ ५.०३४.०६
 स॒मी प॑णेर॒जति॑ भो॒जनं॑ मु॒षे वि॑ दा॒शुषे॑ भ॒जति॑ सू॒नरं॑ वसु ।
 दु॒र्गे च॑न ध्रि॒यते॑ विश्व॒ आ पु॑रु॒ जनो॑ यो अ॒स्य त॑वि॒षीम॑चु॒क्रुध॑त् ॥ ५.०३४.०७
 सं य॒ज्ञनौ॑ सु॒धनौ॑ विश्व॒शर्ध॑सा॒ववे॑दिन्द्रो म॒घवा॑ गोषु शु॒भ्रिषु॑ ।
 यु॒जं ह्य॑श्न्यम॒कृत॑ प्र॒वेप॑न्त्यु॒र्दी ग॑व्यं सृ॒जते॑ स॒त्वभि॑र्धु॒निः ॥ ५.०३४.०८
 स॒हस्र॑सामाग्नि॒वेशिं॑ गृणी॒षे श॑त्रि॒मग्न॑ उप॒मां के॑तु॒मर्यः॑ ।
 तस्मा॑ आपः सं॒यतः॑ पी॒पय॑न्त॒ तस्मि॑न्क्ष॒त्रम॑व॒त्त्वेप॑मस्तु ॥ ५.०३४.०९

यस्ते साधिष्ठोऽवस इन्द्र ऋतुष्टमा भर ।
 अस्मभ्यं चर्षणीसहं ससिं वाजेषु दुष्टरम् ॥ ५.०३५.०१
 यदिन्द्र ते चतस्रो यच्छूर सन्ति तिस्रः ।
 यद्वा पञ्च क्षितीनामवस्तत्सु न आ भर ॥ ५.०३५.०२
 आ तेऽवो वरेण्यं वृषन्तमस्य हूमहे ।
 वृषजूतिर्हि जज्ञिष आभूभिरिन्द्र तुर्वणिः ॥ ५.०३५.०३
 वृषा ह्यसि राधसे जज्ञिषे वृष्णि ते शवः ।
 स्वक्षत्रं ते धृषन्मनः सत्राहमिन्द्र पौंस्यम् ॥ ५.०३५.०४
 त्वं तमिन्द्र मर्त्यममित्रयन्तमद्रिवः ।
 सर्वरथा शतक्रतो नि याहि शवसस्पते ॥ ५.०३५.०५
 त्वामिद्वृत्रहन्तम जनासो वृक्तबर्हिषः ।
 उग्रं पूर्वीषु पूर्य्य हवन्ते वाजसातये ॥ ५.०३५.०६
 अस्माकमिन्द्र दुष्टरं पुरोयावानमाजिषु ।
 सयावानं धनेधने वाजयन्तमवा रथम् ॥ ५.०३५.०७
 अस्माकमिन्द्रेहि नो रथमवा पुरंध्या ।
 वयं शविष्ठ वार्यं दिवि श्रवो दधीमहि दिवि स्तोमं मनामहे ॥ ५.०३५.०८
 स आ गमदिन्द्रो यो वसूनां चिकेतद्वातुं दामनो रयीणाम् ।
 धन्वचरो न वंसगस्तृषाणश्चकमानः पिबतु दुग्धमंशुम् ॥ ५.०३६.०१
 आ ते हनू हरिवः शूर शिप्रे रुहत्सोमो न पर्वतस्य पृष्ठे ।
 अनु त्वा राजन्नर्वतो न हिन्वन्नीर्भिर्मदेम पुरुहूत विश्वे ॥ ५.०३६.०२
 चक्रं न वृत्तं पुरुहूत वेपते मनो भिया मे अमतेरिदद्रिवः ।
 रथादधि त्वा जरिता सदावृध कुविन्नु स्तोपन्मघवन्पुरूवसुः ॥ ५.०३६.०३
 एष ग्रावेव जरिता त इन्द्रेयर्ति वाचं बृहदाशुषाणः ।
 प्र सव्येन मघवन्त्यसि रायः प्र दक्षिणिद्धरिवो मा वि वेनः ॥ ५.०३६.०४
 वृषा त्वा वृषणं वर्धतु द्यौर्वृषा वृषभ्यां वहसे हरिभ्याम् ।
 स नो वृषा वृषरथः सुशिप्र वृषक्रतो वृषा वज्रिन्भरे धाः ॥ ५.०३६.०५

यो रोहितौ वाजिनौ वाजिनीवाञ्छिभिः शतैः सचमानावदिष्ट ।
 यूने समस्मै क्षितयो नमन्तां श्रुतरथाय मरुतो दुवोया ॥ ५.०३६.०६
 सं भानुना यतते सूर्यस्याजुह्वानो घृतपृष्ठः स्वश्वाः ।
 तस्मा अमृधा उषसो व्युच्छान्य इन्द्राय सुनवामेत्याह ॥ ५.०३७.०१
 समिद्धाग्निर्वनवत्स्तीर्णबर्हिर्युक्तग्रावा सुतसोमो जराते ।
 ग्रावाणो यस्येषिरं वदन्त्ययदध्वर्युर्हविषाव सिन्धुम् ॥ ५.०३७.०२
 वधूरियं पतिमिच्छन्त्येति य ईं वहाते महिषीमिषिराम् ।
 आस्य श्रवस्याद्रथ आ च घोषात्पुरू सहस्रा परि वर्तयाते ॥ ५.०३७.०३
 न स राजा व्यथते यस्मिन्निन्द्रस्तीर्णं सोमं पिबति गोसखायम् ।
 आ सत्वनैरजति हन्ति वृत्रं क्षेति क्षितीः सुभगो नाम पुष्यन् ॥ ५.०३७.०४
 पुष्यात्क्षेमे अभि योगे भवात्युभे वृतौ संयती सं जयाति ।
 प्रियः सूर्ये प्रियो अग्ना भवाति य इन्द्राय सुतसोमो ददाशत् ॥ ५.०३७.०५
 उरोष्ट इन्द्र राधसो विन्वी रातिः शतक्रतो ।
 अधा नो विश्वचर्षणे द्युम्ना सुक्षत्र मंहय ॥ ५.०३८.०१
 यदीमिन्द्र श्रवाय्यमिष शविष्ठ दधिषे ।
 पप्रथे दीर्घश्रुत्तमं हिरण्यवर्णं दुष्टरम् ॥ ५.०३८.०२
 शुष्मासो ये ते अद्रिवो मेहना केतसापः ।
 उभा देवावभिष्टये दिवश्च ग्मश्च राजथः ॥ ५.०३८.०३
 उतो नो अस्य कस्य चिद्वक्षस्य तव वृत्रहन् ।
 अस्मभ्यं नृम्णमा भरास्मभ्यं नृमणस्यसे ॥ ५.०३८.०४
 नू त आभिरभिष्टिभिस्तव शर्मञ्छतक्रतो ।
 इन्द्र स्याम सुगोपाः शूर स्याम सुगोपाः ॥ ५.०३८.०५
 यदिन्द्र चित्र मेहनास्ति त्वादातमद्रिवः ।
 राधस्तत्रो विदद्वस उभयाहस्त्या भर ॥ ५.०३९.०१
 यन्मन्यसे वरेण्यमिन्द्र द्युक्षं तदा भर ।
 विद्याम तस्य ते वयमकूपारस्य दावने ॥ ५.०३९.०२

यत्ते॑ दि॒त्सु प्र॑राध्यं॒ मनो॑ अ॒स्ति श्रु॑तं॒ बृ॒हत् ।
 तेन॑ दृ॒व्हा चि॑द॒द्रिव॒ आ वाजं॑ दर्षि॒ सा॒तये॑ ॥ ५.०३९.०३
 म॒हिष्ठं॑ वो म॒घोनां॑ रा॒जानं॑ च॒र्षणी॑नाम् ।
 इन्द्र॑मु॒प प्र॑शस्तये॒ पूर्वी॑भिर्जु॒जुषे॑ गिरः ॥ ५.०३९.०४
 अस्मा॑ इ॒त्काव्यं॑ वच॒ उ॒क्थमिन्द्रा॑य शंस्यम् ।
 तस्मा॑ उ॒ ब्रह्म॑वाह॒से गि॑रो॒ वर्ध॑न्त्यत्रयो॒ गिरः॑ शु॒म्भन्त्य॑त्रयः ॥ ५.०३९.०५
 आ या॑ह्य॒द्रिभिः॑ सु॒तं सोमं॑ सोम॒पते॑ पिब ।
 वृष॑न्निन्द्र॒ वृष॑भिर्वृत्र॒हन्त॑म ॥ ५.०४०.०१
 वृषा॑ ग्रा॒वा वृषा॑ म॒दो वृषा॑ सोमो॒ अयं॑ सु॒तः ।
 वृष॑न्निन्द्र॒ वृष॑भिर्वृत्र॒हन्त॑म ॥ ५.०४०.०२
 वृषा॑ त्वा वृष॑णं हु॒वे वज्रि॑ञ्चि॒त्राभि॑रू॒तिभिः॑ ।
 वृष॑न्निन्द्र॒ वृष॑भिर्वृत्र॒हन्त॑म ॥ ५.०४०.०३
 ऋ॒जीषी॑ वज्री॒ वृष॑भस्तु॒राषाट्॑ छु॒ष्मी राजा॑ वृ॒त्रहा॑ सोम॒पावा॑ ।
 यु॒क्ता हरि॑भ्यामु॒प या॑स॒दर्वाङ्गा॑ध्य॒दिने॑ स॒वने॑ मत्स॒दिन्द्रः॑ ॥ ५.०४०.०४
 यत्त्वा॑ सूर्य॒ स्वर्भानु॑स्तमसा॒विध्य॑दासुरः ।
 अक्ष॑त्रविद्यथा॒ मुग्धो॑ भुवनान्यदीधयुः ॥ ५.०४०.०५
 स्वर्भानो॑रध॒ यदिन्द्र॑ मा॒या अ॒वो दि॒वो वर्त॑माना अ॒वाह॑न् ।
 गू॒ळ्हं सूर्य॑ तमसा॒पत्र॑तेन॒ तुरी॑येण॒ ब्रह्म॑णाविन्द्र॒दत्रिः॑ ॥ ५.०४०.०६
 मा मामि॑मं तव॒ सन्त॑मत्र॒ इर॑स्या॒ द्रुग्धो॑ भियसा॒ नि ग॑रीत् ।
 त्वं मि॒त्रो असि॑ स॒त्यरा॑धास्तौ मेहा॒वतं॑ वरुणश्च॒ राजा॑ ॥ ५.०४०.०७
 ग्रा॒व्या ब्र॑ह्मा यु॒युजा॑नः स॒पर्य॑न्कीरिणा॒ देवा॑न्नमसोपशि॒क्षन् ।
 अत्रिः॑ सूर्य॒स्य दि॒वि च॑क्षुरा॒धात्स्वर्भानो॑रप॒ माया॑ अघु॒क्षत् ॥ ५.०४०.०८
 यं वै सूर्य॑ स्वर्भानु॒स्तमसा॑विध्यदासुरः ।
 अत्र॑य॒स्तम॑न्विन्द्र॒न्नह्य॑न्त्ये अश॒कृव॑न् ॥ ५.०४०.०९
 को नु॑ वा॒ मि॒त्रावरु॑णावृ॒ताय॑न्दि॒वो वा॑ म॒हः पा॑र्थिवस्य॒ वा दे॑ ।
 ऋ॒तस्य॑ वा॒ स॒दसि॑ त्रासीथां नो य॒ज्ञाय॑ते वा॒ पशु॑षो न वा॒जान् ॥ ५.०४१.०१

ते नो मित्रो वरुणो अर्यमायुरिन्द्र ऋभुक्षा मरुतो जुषन्त ।
 नमोभिर्वा ये दधते सुवृक्तिं स्तोमं रुद्राय मीळ्कुषे सजोषाः ॥ ५.०४१.०२
 आ वां येष्ठाश्विना हवध्वै वातस्य पत्म्नथ्यस्य पुष्टौ ।
 उत वा दिवो असुराय मन्म प्रान्धासीव यज्यवे भरध्वम् ॥ ५.०४१.०३
 प्र सक्षणो दिव्यः कण्वहोता त्रितो दिवः सजोषा वातो अग्निः ।
 पूषा भगः प्रभृथे विश्वभोजा आजिं न जग्मुराश्वश्वतमाः ॥ ५.०४१.०४
 प्र वो रयिं युक्ताश्व भरध्वं राय एषेऽवसे दधीत धीः ।
 सुशेव एवैरौशिजस्य होता ये व एवा मरुतस्तुराणाम् ॥ ५.०४१.०५
 प्र वो वायुं रथयुजं कृणुध्वं प्र देवं विप्रं पनितारमर्कैः ।
 इषुध्व्यव ऋतसापः पुरधीर्वस्वीर्नो अत्र पत्नीरा धिये धुः ॥ ५.०४१.०६
 उप व एषे वन्द्यैभिः शूषैः प्र यही दिवश्चितयद्भिरर्कैः ।
 उषासानक्ता विदुषीव विश्वमा हा वहतो मत्याय यज्ञम् ॥ ५.०४१.०७
 अभि वो अर्चे पोष्यावतो नृन्वास्तोष्पतिं त्वष्टारं रराणः ।
 धन्या सजोषा धिषणा नमोभिर्वनस्पतीर्ःरोषधी राय एषे ॥ ५.०४१.०८
 तुजे नस्तने पर्वताः सन्तु स्वैतवो ये वसवो न वीराः ।
 पनित आस्यो यजतः सदा नो वर्धन्नः शंसं नयो अभिष्टौ ॥ ५.०४१.०९
 वृष्णो अस्तोषि भूम्यस्य गर्भं त्रितो नपातमपां सुवृक्ति ।
 गृणीते अग्निरेतरी न शूषैः शोचिष्केशो नि रिणाति वना ॥ ५.०४१.१०
 कथा महे रुद्रियाय ब्रवाम कद्राये चिकितुषे भगाय ।
 आप ओषधीरुत नोऽवन्तु द्यौरवना गिरयो वृक्षकेशाः ॥ ५.०४१.११
 शृणोतु न ऊर्जा पतिर्गिरः स नभस्तरीयाँ इषिरः परिज्मा ।
 शृण्वन्त्वापः पुरो न शुभ्राः परि स्नुचो बबृहाणस्याद्रेः ॥ ५.०४१.१२
 विदा चिन्नु महान्तो ये व एवा ब्रवाम दस्मा वार्यं दधानाः ।
 वयश्चन सुभवः आव यन्ति क्षुभा मर्तमनुयतं वध्नैः ॥ ५.०४१.१३
 आ दैव्यानि पार्थिवानि जन्मापश्चाच्छा सुमखाय वोचम् ।
 वर्धन्तां द्यावो गिरश्चन्द्राग्रा उदा वर्धन्तामभिषाता अर्णाः ॥ ५.०४१.१४
 पदेपदे मे जरिमा नि धायि वरूत्री वा शक्रा या पायुभिश्च ।

सिषक्तु माता मही रसा नः स्मत्सूरिभिर्ऋजुहस्त ऋजुवनिः ॥ ५.०४१.१५
कथा दाशेम नमसा सुदानूनेवया मरुतो अच्छोक्तौ प्रश्रवसो मरुतो अच्छोक्तौ ।
मा नोऽहिर्बुध्न्यो रिषे धादस्माकं भूदुपमातिवनिः ॥ ५.०४१.१६
इति चिन्नु प्रजायै पशुमत्यै देवासो वनते मर्त्यो व आ देवासो वनते मर्त्यो वः ।
अत्रा शिवां तन्वो धासिमस्या जरां चिन्मे निर्ऋतिर्जिग्रसीत ॥ ५.०४१.१७
तां वा देवाः सुमतिमूर्जयन्तीमिषमश्याम वसवः शसा गोः ।
सा नः सुदानुर्मृळयन्ती देवी प्रति द्रवन्ती सुविताय गम्याः ॥ ५.०४१.१८
अभि न इळा यूथस्य माता स्मन्नदीभिरुर्वशी वा गृणातु ।
उर्वशी वा बृहद्दिवा गृणानाभ्यूर्णाना प्रभृथस्यायोः ॥ ५.०४१.१९
सिषक्तु न ऊर्जव्यस्य पुष्टेः ॥ ५.०४१.२०
प्र शंतमा वरुणं दीधिती गीर्मित्रं भगमदितिं नूनमश्याः ।
पृषद्योनिः पञ्चहोता शृणोत्वतूर्तपन्था असुरो मयोभुः ॥ ५.०४२.०१
प्रति मे स्तोममदितिर्जगृभ्यात्सूनुं न माता हृद्यं सुशेवम् ।
ब्रह्म प्रियं देवहितं यदस्त्यहं मित्रे वरुणे यन्मयोभु ॥ ५.०४२.०२
उदीरय कवितमं कवीनामुनतैनमभि मध्वा घृतेन ।
स नो वसूनि प्रयता हितानि चन्द्राणि देवः सविता सुवाति ॥ ५.०४२.०३
समिन्द्र णो मनसा नेषि गोभिः सं सूरिभिर्हरिवः सं स्वस्ति ।
सं ब्रह्मणा देवहितं यदस्ति सं देवानां सुमत्या यज्ञियानाम् ॥ ५.०४२.०४
देवो भगः सविता रायो अंश इन्द्रो वृत्रस्य संजितो धनानाम् ।
ऋभुक्षा वाज उत वा पुरधिरवन्तु नो अमृतासस्तुरासः ॥ ५.०४२.०५
मरुत्वतो अप्रतीतस्य जिष्णोरजूर्यतः प्र ब्रवामा कृतानि ।
न ते पूर्वे मघवन्नापरासो न वीर्यं नूतनः कश्चनाप ॥ ५.०४२.०६
उप स्तुहि प्रथमं रत्नधेयं बृहस्पतिं सनितारं धनानाम् ।
यः शंसते स्तुवते शम्भविष्ठः पुरूवसुरागमञ्जोहुवानम् ॥ ५.०४२.०७
तवोतिभिः सचमाना अरिष्टा बृहस्पते मघवानः सुवीराः ।
ये अश्वदा उत वा सन्ति गोदा ये वस्रदाः सुभगास्तेषु रायः ॥ ५.०४२.०८

वि॒सर्माणं॑ कृणुहि॑ वि॒त्तमे॑षां ये भुञ्जते॑ अपृणन्तो न उ॒क्थैः ।
 अप॒व्रतान्प्र॑सवे वावृ॒धानान्ब्र॑ह्मद्विषः॑ सूर्याद्यावयस्व ॥ ५.०४२.०९
 य ओ॒हते॑ रक्षसो॑ दे॒ववी॑तावच॒क्रेभि॑स्तं मरुतो॑ नि यात ।
 यो वः शर्मा॑ शश॒मान॑स्य निन्दा॒तुच्छा॑न्कामान्करते॑ सिष्विदानः ॥ ५.०४२.१०
 तमु॑ ष्टुहि॑ यः स्वि॒षुः सु॑धन्वा॒ यो विश्व॑स्य॒ क्षय॑ति भेषजस्य ।
 यक्षा॑ महे सौमन॒साय॑ रु॒द्रं नमो॑भिर्दे॒वमसुरं॑ दुवस्य ॥ ५.०४२.११
 दमू॑नसो॒ अपसो॑ ये सु॒हस्ता॑ वृष्णः॒ पत्नी॑र्नद्यो वि॒भ्वत॑ष्टाः ।
 सर॑स्वती बृह॒द्विवो॑त रा॒का द॑शस्यन्तीर्वरि॒वस्य॑न्तु शु॒भ्राः ॥ ५.०४२.१२
 प्र सू॑ महे सु॒शर॑णाय॒ मेधां गि॑रं भरे॒ नव्य॑सीं जायमानाम् ।
 य आ॒हना॑ दु॒हितु॑र्व॒क्षणा॑सु रू॒पा मि॑नानो अकृ॒णोदि॑दं नः ॥ ५.०४२.१३
 प्र सु॑ष्टुतिः स्तनयन्तं रु॒वन्तमि॑ळस्पतिं॒ जरि॑तर्नूनमश्याः ।
 यो अ॒ब्दिमाँ॑ उदनि॒माँ इय॑तिं प्र वि॒द्युता॑ रोदसी॒ उक्ष॑माणः ॥ ५.०४२.१४
 ए॒ष स्तोमो॑ मारु॒तं शर्धो॑ अ॒च्छा रु॒द्रस्य॑ सू॒नूर्यु॑व॒न्यूरु॑दश्याः ।
 कामो॑ रा॒ये ह॑वते मा स्वस्त्युप॒ स्तुहि॑ पृषदश्चाँ अ॒यासः॑ ॥ ५.०४२.१५
 प्रैष॑ स्तोमः पृथि॒वीमन्त॑रि॒क्षं वन॑स्पतीँ॒रोष॑धी रा॒ये अ॑श्याः ।
 दे॒वो दे॒वः सु॒हवो॑ भूतु॒ मह्यं॑ मा नो मा॒ता पृथि॑वी दु॒र्मतौ॑ धात् ॥ ५.०४२.१६
 उ॒रौ दे॒वा अ॒निबा॑धे स्याम ॥ ५.०४२.१७
 स॒म॒श्विनो॑रवसा॒ नूत॑नेन मयो॒भुवा॑ सु॒प्रणी॑ती गमेम ।
 आ नो॑ र॒यिं व॒हत॑मोत वी॒राना॑ विश्वान्यमृ॒ता सौ॑भगानि ॥ ५.०४२.१८
 आ धे॒नवः॑ पयसा॒ तूर्य॑र्था॒ अम॑र्धन्तीरुप॒ नो यन्तु॑ मध्वा ।
 म॒हो रा॒ये बृ॒हतीः॑ सप्त वि॒प्रो मयो॑भुवो॒ जरि॑ता जोहवीति ॥ ५.०४३.०१
 आ सु॑ष्टुती नमसा॒ वर्त॑यध्वै द्यावा वाजाय॒ पृथि॑वी अमृ॒ध्रे ।
 पि॒ता मा॒ता मधु॑वचाः सु॒हस्ता॑ भरेभरे नो य॒शसा॑वविष्टाम् ॥ ५.०४३.०२
 अ॒ध्वर्य॑वश्चकृ॒वांसो॑ मधू॒नि प्र वा॑यवे भरत॒ चारु॑ शु॒क्रम् ।
 हो॒तेव॑ नः प्रथमः पा॒ह्यस्य॑ दे॒व मध्वो॑ ररि॒मा ते॑ मदाय ॥ ५.०४३.०३
 दश॑ क्षिपो॒ युञ्जते॑ बा॒हू अ॒द्रिं सो॑मस्य॒ या श॑मि॒तारा॑ सु॒हस्ता॑ ।

मध्वो रसं सुगभस्तिर्गिरिष्ठां चनिश्चदद्दुहे शुक्रमंशुः ॥ ५.०४३.०४
असावि ते जुजुषाणाय सोमः क्रत्वे दक्षाय बृहते मदाय ।
हरी रथे सुधुरा योगे अर्वाग्निन्द्र प्रिया कृणुहि ह्यमानः ॥ ५.०४३.०५
आ नो महीमरमतिं सजोषा ग्रां देवीं नमसा रातहव्याम् ।
मधोर्मदाय बृहतीमृतज्ञामाग्ने वह पथिभिर्देवयानैः ॥ ५.०४३.०६
अञ्जन्ति यं प्रथयन्तो न विप्रा वपावन्तं नाग्निना तपन्तः ।
पितुर्न पुत्र उपसि प्रेष्ठ आ घर्मो अग्निमृतयन्नसादि ॥ ५.०४३.०७
अच्छा मही बृहती शंतमा गीर्दूतो न गन्त्वश्विना हुवध्वै ।
मयोभुवा सरथा यातमर्वाग्गन्तं निधिं धुरमाणिर्न नाभिम् ॥ ५.०४३.०८
प्र तव्यसो नमउक्तिं तुरस्याहं पूष्ण उत वायोरदिक्षि ।
या राधसा चोदितारा मतीनां या वाजस्य द्रविणोदा उत त्मन् ॥ ५.०४३.०९
आ नामभिर्मरुतो वक्षि विश्वाना रूपेभिर्जातवेदो हुवानः ।
यज्ञं गिरो जरितुः सुष्टुतिं च विश्वे गन्त मरुतो विश्व ऊती ॥ ५.०४३.१०
आ नो दिवो बृहतः पर्वतादा सरस्वती यजता गन्तु यज्ञम् ।
हव देवी जुजुषाणा घृताची शग्मां नो वाचमुशती शृणोतु ॥ ५.०४३.११
आ वेधसं नीलपृष्ठं बृहन्तं बृहस्पतिं सदने सादयध्वम् ।
सादद्योनिं दम आ दीदिवासं हिरण्यवर्णमरुषं सपेम ॥ ५.०४३.१२
आ धर्णसिर्बृहद्विवो रराणो विश्वेभिर्गन्त्वोमभिर्हुवानः ।
ग्रा वसान ओषधीरमृग्रस्त्रिधातुशृङ्गो वृषभो वयोधाः ॥ ५.०४३.१३
मातुष्पदे परमे शुक्र आयोर्विपन्यवो रास्पिरासो अगमन् ।
सुशेव्यं नमसा रातहव्याः शिशुं मृजन्त्यायवो न वासे ॥ ५.०४३.१४
बृहद्वयो बृहते तुभ्यमग्ने धियाजुरो मिथुनासः सचन्त ।
देवोदेवः सुहवो भूतु मह्यं मा नो माता पृथिवी दुर्मतौ धात् ॥ ५.०४३.१५
उरौ देवा अनिबाधे स्याम ॥ ५.०४३.१६
समश्विनोरवसा नूतनेन मयोभुवा सुप्रणीती गमेम ।
आ नो रयिं वहतमोत वीराना विश्वान्यमृता सौभगानि ॥ ५.०४३.१७

तं प्रलथा पूर्वथा विश्वथेमथा ज्येष्ठतातिं बर्हिषदं स्वर्विदम् ।
 प्रतीचीनं वृजनं दोहसे गिराशुं जयन्तमनु यासु वर्धसे ॥ ५.०४४.०१
 श्रिये सुदृशीरुपरस्य याः स्वर्विरोचमानः ककुभामचोदते ।
 सुगोपा असि न दभाय सुक्रतो परो मायाभिर्ऋत आस नाम ते ॥ ५.०४४.०२
 अत्यं हविः सचते सच्च धातु चारिष्टगातुः स होता सहोभरिः ।
 प्रसन्नापो अनु बर्हिवृषा शिशुर्मध्ये युवाजरो विस्रुहा हितः ॥ ५.०४४.०३
 प्र व एते सुयुजो यामन्निष्टये नीचौरमुष्मे यम्य ऋतावृधः ।
 सुयन्तुभिः सर्वशासैरभीशुभिः क्रिविर्नामानि प्रवणे मुषायति ॥ ५.०४४.०४
 संजभुराणस्तरुभिः सुतेगृभं वयाकिनं चित्तगर्भासु सुस्वरुः ।
 धारवाकेष्वृजुगाथ शोभसे वर्धस्व पत्नीरभि जीवो अध्वरे ॥ ५.०४४.०५
 यादृगेव ददृशे तादृगुच्यते सं छायया दधिरे सिध्रयाप्स्वा ।
 महीमस्मभ्यमुरुषामुरु ज्रयो बृहत्सुवीरमनपच्युतं सहः ॥ ५.०४४.०६
 वेत्यग्रुर्जनिवान्वा अति स्पृधः समर्यता मनसा सूर्यः कविः ।
 घ्नसं रक्षन्तं परि विश्वतो गयमस्माकं शर्म वनवत्स्वावसुः ॥ ५.०४४.०७
 ज्यायांसमस्य यतुनस्य केतुन ऋषिस्वरं चरति यासु नाम ते ।
 यादृश्मिन्धायि तमपस्यया विदद्य उ स्वयं वहते सो अरं करत् ॥ ५.०४४.०८
 समुद्रमासामव तस्थे अग्निमा न रिष्यति सवनं यस्मिन्नायता ।
 अत्रा न हादि ऋवणस्य रेजते यत्रा मतिर्विद्यते पूतबन्धनी ॥ ५.०४४.०९
 स हि क्षत्रस्य मनसस्य चित्तिभिरेवावदस्य यजतस्य सध्रेः ।
 अवत्सारस्य स्पृणवाम रण्वभिः शविष्ठं वाजं विदुषा चिदर्थ्यम् ॥ ५.०४४.१०
 श्येन आसामदितिः कक्ष्योऽ मदो विश्ववारस्य यजतस्य मायिनः ।
 समन्यमन्यमर्थयन्त्येतवे विदुर्विषाणं परिपानमन्ति ते ॥ ५.०४४.११
 सदापृणो यजतो वि द्विषो वधीद्वाहुवृक्तः श्रुतवित्तयो वः सचा ।
 उभा स वरा प्रत्येति भाति च यदी गणं भजते सुप्रयावभिः ॥ ५.०४४.१२
 सुतम्भरो यजमानस्य सत्पतिर्विश्वासामूधः स धियामुदञ्चनः ।
 भरद्धेनू रसवच्छिश्रिये पयोऽनुब्रुवाणो अध्येति न स्वपन् ॥ ५.०४४.१३
 यो जागार तमृचः कामयन्ते यो जागार तमु सामानि यन्ति ।

यो जा॒गार॒ तम॑यं सोम॒ आह॑ तवा॒हम॑स्मि॒ सख्ये॑ न्यो॒काः ॥ ५.०४४.१४
 अ॒ग्निर्जा॑गा॒र तम॑चः॒ काम॑यन्तेऽग्निर्जा॑गा॒र तमु॑ सामानि॒ यन्ति॑ ।
 अ॒ग्निर्जा॑गा॒र तम॑यं सोम॒ आह॑ तवा॒हम॑स्मि॒ सख्ये॑ न्यो॒काः ॥ ५.०४४.१५
 वि॒दा दि॒वो वि॒ष्यन्न॑द्रि॒मुक्थै॑रा॒यत्या॑ उ॒षसो॑ अ॒र्चिनो॑ गुः ।
 अ॒पावृ॑त॒ ब्रजि॑नी॒रुत्स्व॑र्गा॒द्वि दुरो॑ मानु॒षीर्दे॒व आवः॑ ॥ ५.०४५.०१
 वि॒ सूर्यो॑ अ॒मतिं॑ न श्रियं सा॒दोर्वा॑द्रवां॒ माता॑ जान॒ती गा॑त् ।
 ध॒न्वर्ण॑सो नद्य॑ः॒ खादो॑र्णाः॒ स्थूणे॑व सु॒मिता॑ दृ॒हत॑ द्यौः ॥ ५.०४५.०२
 अ॒स्मा उ॒क्थाय॑ पर्व॒तस्य॑ गर्भो॒ महीना॑ ज॒नुषे॑ पू॒र्व्याय॑ ।
 वि॒ पर्व॑तो जि॒हीत॑ साध॒त द्यौरा॑विवा॒सन्तो॑ दस॒यन्त॑ भूम ॥ ५.०४५.०३
 सू॒क्तेभि॑र्वो॒ वचो॑भिर्दे॒वजु॑ष्टैरिन्द्रा॒ न्वश्री॑ अवसे॒ ह्वध्वै॑ ।
 उ॒क्थेभि॑र्हि॒ ष्मा क॑वयः सु॒यज्ञा॑ आ॒विवा॑सन्तो मरु॒तो यज॑न्ति ॥ ५.०४५.०४
 ए॒तो न्व॑द्य सु॒द्योऽ३ भवाम॑ प्र दु॒च्छुना॑ मि॒नवामा॑ वरी॒यः ।
 आ॒रे द्वेषा॑सि स॒नुत॑दे॒धामा॑याम प्राञ्चो॒ यज॑मानमच्छ ॥ ५.०४५.०५
 ए॒ता धि॑यं कृणवामा स॒खायोऽप॑ या मा॒ताँ ऋ॑णुत॒ ब्रजं॑ गोः ।
 य॒या म॑नुर्वि॒शिशि॑प्रं जि॒गाय॑ य॒या व॑णि॒ग्वङ्कुरा॑पा पुरीषम् ॥ ५.०४५.०६
 अ॒नू॒नोद॑त्र ह॒स्तय॑तो अ॒द्रिरा॑र्च॒न्येन॑ दश॒ मासो॑ नव॒ग्वाः ।
 ऋ॒तं य॑ती स॒रमा॑ गा अ॒विन्द॑द्वि॒श्वानि॑ स॒त्याङ्गि॑राश्चकार ॥ ५.०४५.०७
 विश्वे॑ अ॒स्या व्यु॑षि माहि॒नायाः॑ सं यद्गो॒भिरङ्गि॑रसो नवन्त ।
 उत्स॑ आसां पर॒मे स॑धस्थ॒ ऋत॑स्य प॒था स॑रमा॒ विद॑द्वाः ॥ ५.०४५.०८
 आ सूर्यो॑ यातु स॒प्ताश्वः॑ क्षे॒त्रं यद॑स्योर्वि॒या दी॑र्घया॒थे ।
 र॒घुः श्ये॑नः प॒तय॑दन्धो अ॒च्छा यु॒वा क॑वि॒दीद॑यद्गोषु गच्छन् ॥ ५.०४५.०९
 आ सूर्यो॑ अरुहच्छु॒क्रम॑र्णोऽयु॒क्त य॑द्धरि॒तो वी॑तपृ॒ष्ठाः ।
 उ॒द्रा न॑ नाव॒मन॑यन्त॒ धीरा॑ आश्रृ॒ण्वती॑रापो अ॒र्वाग॑तिष्ठन् ॥ ५.०४५.१०
 धि॑यं वो अ॒प्सु द॑धिषे॒ स्वर्षा॑ यया॒तर॑न्दश॒ मासो॑ नव॒ग्वाः ।
 अ॒या धि॑या स्याम॒ देव॑गोपा अ॒या धि॑या तु॒तुर्या॑मात्यंहः ॥ ५.०४५.११
 ह॒यो न॑ वि॒द्वँ अ॑यु॒जि स्व॑यं धुरि॒ तां व॑हामि प्र॒तर॑णीम॒वस्यु॑वम् ।

नास्या व॒श्मि वि॒मुचं॑ नावृ॒तं पुन॑र्वि॒द्वान्पथः॑ पु॒रए॒त ऋ॒जु ने॑षति ॥ ५.०४६.०१
अग्र॑ इन्द्र॒ वरु॑ण मि॒त्र देवाः॑ शर्धः॑ प्र यन्त॒ मारु॑तो॒त वि॒ष्णो ।
उ॒भा ना॑सत्या रु॒द्रो अध॑ ग्राः पू॒षा भगः॑ सर॒स्वती जु॑षन्त ॥ ५.०४६.०२
इन्द्रा॑ग्नी मि॒त्रावरु॑णादि॒तिं स्वः॑ पृथि॒वीं द्यां मरु॑तः पर्व॒ताँ अपः॑ ।
हृ॒वे विष्णु॑ पू॒षणं॑ ब्रह्म॒णस्पतिं॑ भगं॒ नु शंसं॑ स॒वितार॑मू॒तये ॥ ५.०४६.०३
उ॒त नो॑ विष्णु॒रुत॑ वातो अ॒स्मिधो॑ द्रवि॒णोदा॑ उ॒त सोमो॑ मय॒स्करत् ।
उ॒त ऋ॒भव॑ उ॒त रा॒ये नो॑ अ॒श्विनो॑त त्वष्टो॒त वि॒भ्वानु॑ मंसते ॥ ५.०४६.०४
उ॒त त्यन्नो॑ मारु॒तं शर्ध॑ आ ग॒मद्वि॑विक्षयं य॒जतं॑ ब॒र्हि॒रास॑दे ।
बृह॑स्पतिः शर्म॒ पूषो॑त नो॒ यमद्व॑रू॒थ्यं॑ वरु॒णो मि॒त्रो अ॒र्यमा ॥ ५.०४६.०५
उ॒त त्ये नः॑ पर्व॒तासः॑ सु॒शस्त॑यः सु॒दीत॑यो नद्य॑श्चाम॒णे भु॑वन् ।
भगो॑ वि॒भक्ता॑ श॒वसा॑वसा ग॒मदु॑रु॒व्यचा॑ अ॒दितिः॑ श्रोतु॒ मे ह॑वम् ॥ ५.०४६.०६
दे॒वानां॑ पत्नीरु॒शती॑रवन्तु नः प्रा॒वन्तु॑ नस्तु॒जये॑ वा॒जसा॑तये ।
याः पार्थि॑वासो या अ॒पाम॑पि व्र॒ते ता नो॑ दे॒वीः सु॒हवाः॑ शर्म॒ यच्छ॑त ॥ ५.०४६.०७
उ॒त ग्रा॑ व्यन्तु दे॒वपत्नी॑रिन्द्रा॒ण्यश्ग्रा॒य्यश्वि॑नी राट् ।
आ रोद॑सी वरु॒णानी॑ शृ॒णोतु॑ व्यन्तु दे॒वीर्य॑ ऋ॒तुर्जनी॑नाम् ॥ ५.०४६.०८
प्र॒युञ्जती॑ दि॒व ए॒ति ब्रु॑वाणा म॒ही मा॒ता दु॒हितु॑र्बोधयन्ती ।
आ॒विवा॑सन्ती यु॒वति॑र्मनी॒षा पि॒तृभ्य॑ आ स॒दने॑ जोहु॒वाना ॥ ५.०४७.०१
अ॒जि॒रास॑स्तदप॒ ईय॑माना आ॒तस्थि॑वांसो अ॒मृत॑स्य नाभिम् ।
अ॒नन्ता॑स उ॒रवो॑ वि॒श्वतः॑ सीं परि॒ द्या॒वापृथि॑वी यन्ति पन्थाः ॥ ५.०४७.०२
उ॒क्षा स॑मु॒द्रो अ॒रुषः॑ सु॒पर्णः॑ पू॒र्वस्य॑ योनि॒ पितु॑रा वि॒वेश ।
म॒ध्ये दि॒वो नि॒हितः॑ पृ॒श्निर॑श्मा वि च॒क्रमे॑ र॒जस॑स्पात्यन्तौ ॥ ५.०४७.०३
च॒त्वार॑ ईं बिभ्रति॒ क्षेम॑यन्तो दश॒ गर्भं॑ च॒रसे॑ धा॒पय॑न्ते ।
त्रि॒धात॑वः पर॒मा अ॒स्य॑ गा॒वो दि॒वश्च॑रन्ति परि॒ सद्यो॑ अन्तान् ॥ ५.०४७.०४
इ॒दं वपु॑र्नि॒वचनं॑ जना॒सश्च॑रन्ति यन्नद्य॒स्तस्थु॑रापः ।
द्वे यदीं॑ बिभृ॒तो मा॒तुर॑न्ये इहेह॒ जाते॑ य॒म्याश्च॑ सबन्धू ॥ ५.०४७.०५
वि त॑न्व॒ते धि॒यो अ॒स्मा अ॒पांसि॑ वस्त्रा पु॒त्राय॑ मा॒तरो॑ वयन्ति ।

उपप्रक्षे वृषणो मोदमाना दिवस्पथा वध्वो यन्त्यच्छ ॥ ५.०४७.०६
 तदस्तु मित्रावरुणा तदग्ने शं योरस्मभ्यमिदमस्तु शस्तम् ।
 अशीमहि गाधमुत प्रतिष्ठां नमो दिवे बृहते सादनाय ॥ ५.०४७.०७
 कदु प्रियाय धाम्ने मनामहे स्वक्षत्राय स्वयशसे महे वयम् ।
 आमेन्यस्य रजसो यदभ्र आँ अपो वृणाना वितनोति मायिनी ॥ ५.०४८.०१
 ता अन्नत वयुनं वीरवक्षणं समान्या वृतया विश्वमा रजः ।
 अपो अपाचीरपरा अपैजते प्र पूर्वाभिस्तिरते देवयुर्जनः ॥ ५.०४८.०२
 आ ग्रावभिरहन्येभिरक्तुभिर्वरिष्ठं वज्रमा जिघर्ति मायिनि ।
 शतं वा यस्य प्रचरन्स्वे दमे संवर्तयन्तो वि च वर्तयन्नहा ॥ ५.०४८.०३
 तामस्य रीतिं परशोरिव प्रत्यनीकमख्यं भुजे अस्य वर्षसः ।
 सचा यदि पितुमन्तमिव क्षयं रत्नं दधाति भरहूतये विशे ॥ ५.०४८.०४
 स जिह्वया चतुरनीक ऋञ्जते चारु वसानो वरुणो यतन्नरिम् ।
 न तस्य विद्म पुरुषत्वता वयं यतो भगः सविता दाति वार्यम् ॥ ५.०४८.०५
 देवं वो अद्य सवितारमेषे भगं च रत्नं विभजन्तमायोः ।
 आ वा नरा पुरुभुजा ववृत्यां दिवेदिवे चिदश्विना सखीयन् ॥ ५.०४९.०१
 प्रति प्रयाणमसुरस्य विद्वान्सूक्तैर्देवं सवितारं दुवस्य ।
 उप ब्रवीत नमसा विजानञ्छेष्ठं च रत्नं विभजन्तमायोः ॥ ५.०४९.०२
 अदत्रया दयते वार्याणि पूषा भगो अदितिर्वस्त उन्नः ।
 इन्द्रो विष्णुर्वरुणो मित्रो अग्निरहानि भद्रा जनयन्त दस्माः ॥ ५.०४९.०३
 तन्नो अनर्वा सविता वरूथं तत्सिन्धव इषयन्तो अनु ग्मन् ।
 उप यद्वोचे अध्वरस्य होता रायः स्याम पतयो वाजरत्नाः ॥ ५.०४९.०४
 प्र ये वसुभ्य ईवदा नमो दुर्ये मित्रे वरुणे सूक्तवाचः ।
 अवैत्वभ्वं कृणुता वरीयो दिवस्पृथिव्योरवसा मदेम ॥ ५.०४९.०५
 विश्वो देवस्य नेतुर्मता वुरीत सख्यम् ।
 विश्वो राय इषुध्यति द्युमं वृणीत पुष्यसे ॥ ५.०५०.०१
 ते ते देव नेतर्ये चेमाँ अनुशसे ।

ते रा॒या ते ह्या॒३पृ॒चे स॒चेम॒हि स॒च॒थ्यैः ॥ ५.०५०.०२
 अतो॒ न आ॒ नृ॒नति॒थी॒नतः॑ प॒त्नीर्द॑शस्यत ।
 आ॒रे वि॒श्वं प॒थेष्ठां॑ द्वि॒षो यु॒योतु॑ यू॒युविः ॥ ५.०५०.०३
 यत्र॑ व॒हिर॒भिहि॑तो दु॒द्रव॒द्रोण्यः॑ प॒शुः ।
 नृ॒मणा॑ वी॒रप॒स्त्योऽर्णा॑ धी॒रेव॑ स॒निता ॥ ५.०५०.०४
 ए॒ष ते॑ दे॒व ने॒ता रथ॑स्पतिः शं र॒यिः ।
 शं रा॒ये शं स्व॑स्तय इ॒षःस्तु॑तो॒ मना॑महे दे॒वस्तु॑तो॒ मना॑महे ॥ ५.०५०.०५
 अ॒ग्ने सु॒तस्य॑ पी॒तये॒ विश्वै॑रू॒मेभिरा॑ ग॒हि ।
 दे॒वेभि॑र्हव्य॒दात॑ये ॥ ५.०५१.०१
 ऋ॒तधी॑तय॒ आ ग॑त॒ सत्य॑ध॒र्माणो॑ अध्व॒रम् ।
 अ॒ग्नेः पि॒बत॑ जि॒ह्वया ॥ ५.०५१.०२
 वि॒प्रैभि॑र्वि॒प्र स॒न्त्य प्रा॑तर्या॒वभिरा॑ ग॒हि ।
 दे॒वेभिः॑ सोम॒पीत॑ये ॥ ५.०५१.०३
 अ॒यं सोम॑श्च॒मू सु॒तोऽम॑त्रे परि॒ षि॒च्यते॑ ।
 प्रि॒य इन्द्रा॑य वा॒यवे ॥ ५.०५१.०४
 वा॒यवा॑ या॒हि वी॑तये॒ जुषा॑णो ह॒व्यदा॑तये ।
 पि॒बा सु॒तस्या॑न्ध॒सो अ॒भि प्र॑यः ॥ ५.०५१.०५
 इन्द्र॑श्च वा॒यवेषां॑ सु॒तानां॑ पी॒तिम॑र्हथः ।
 ताञ्जु॑षे॒थाम॑रे॒पसा॑व॒भि प्र॑यः ॥ ५.०५१.०६
 सु॒ता इन्द्रा॑य वा॒यवे॑ सोमा॒सो द॒ध्याशि॑रः ।
 नि॒म्रं न य॑न्ति सि॒न्धवो॑ऽभि प्र॑यः ॥ ५.०५१.०७
 स॒जूर्वि॑श्वे॒भिर्दे॒वेभिर॑श्चि॒भ्यामु॑षसा॒ सजूः॑ ।
 आ या॑ह्य॒ग्ने अ॒त्रि॒वत्सु॑ते रण ॥ ५.०५१.०८
 स॒जूर्मि॑त्रा॒वरु॑णा॒भ्यां स॒जूः सोमे॑न वि॒ष्णु॒ना ।
 आ या॑ह्य॒ग्ने अ॒त्रि॒वत्सु॑ते रण ॥ ५.०५१.०९
 स॒जूरा॑दि॒त्यैर्व॑सु॒भिः स॒जूरि॑न्द्रेण वा॒युना॑ ।

आ या॒ह्यग्ने॑ अ॒त्रि॒वत्सु॑ते रण ॥ ५.०५१.१०
 स्व॒स्ति नो॑ मि॒मीता॑म॒श्विना॑ भगः स्व॒स्ति दे॒व्यदि॑तिर॒नर्वणः॑ ।
 स्व॒स्ति पू॒षा अ॒सुरो॑ दधातु नः स्व॒स्ति द्या॒वापृ॑थि॒वी सु॒चेतु॑ना ॥ ५.०५१.११
 स्व॒स्तये॑ वा॒युमु॑प ब्रवामहै सोमं स्व॒स्ति भु॒वन॑स्य यस्पतिः ।
 बृह॑स्पतिं॒ सर्व॑गणं स्व॒स्तये॑ स्व॒स्तय॑ आदि॒त्यासो॑ भवन्तु नः ॥ ५.०५१.१२
 विश्वे॑ दे॒वा नो॑ अ॒द्या स्व॒स्तये॑ वैश्वान॒रो वसु॑रग्निः स्व॒स्तये॑ ।
 दे॒वा अ॒वन्त्वृ॑भवः स्व॒स्तये॑ स्व॒स्ति नो॑ रु॒द्रः पा॒त्वंह॑सः ॥ ५.०५१.१३
 स्व॒स्ति मि॒त्रावरु॑णा स्व॒स्ति प॒थ्ये रे॒वति॑ ।
 स्व॒स्ति न॒ इन्द्र॑श्चा॒ग्निश्च॑ स्व॒स्ति नो॑ अ॒दिते॑ कृधि ॥ ५.०५१.१४
 स्व॒स्ति प॒न्था॒मनु॑ चरेम सूर्या॑चन्द्र॒मसा॑विव ।
 पु॒नर्द॑दता॒घ्नता॑ जान॒ता सं ग॑मेमहि ॥ ५.०५१.१५
 प्र श्या॑वाश्च धृष्णु॒याचो॑ मरु॒द्धिर्ऋ॑क्कभिः ।
 ये अ॒द्रोघ॑मनु॒ष्वधं॑ श्रवो म॒दन्ति॑ य॒ज्ञियाः॑ ॥ ५.०५२.०१
 ते हि॑ स्थि॒रस्य॑ शवसः सखायः सन्ति धृष्णु॒या ।
 ते याम॑न्ना धृष॒द्विन॑स्त्मना पान्ति शश्वतः ॥ ५.०५२.०२
 ते स्य॑न्द्रा॒सो नो॑क्ष्णोऽति ष्क॒न्दन्ति॑ शर्वरीः ।
 म॒रुता॑मधा महो दि॒वि क्ष॑मा च मन्महे ॥ ५.०५२.०३
 म॒रुत्सु॑ वो दधीमहि स्तोमं य॒ज्ञं च॑ धृष्णु॒या ।
 विश्वे॑ ये मानुषा युगा पान्ति म॒र्त्यं रि॒षः ॥ ५.०५२.०४
 अ॒ह॒न्तो॑ ये सु॒दान॑वो नरो असा॒मिश॑वसः ।
 प्र य॒ज्ञं य॒ज्ञिये॑भ्यो दि॒वो अ॒र्चा म॒रुद्भ्यः॑ ॥ ५.०५२.०५
 आ रु॒क्मैरा॑ युधा नर ऋष्वा ऋ॒ष्टीर॑सृक्षत ।
 अ॒न्वेनाँ॑ अह विद्युतो म॒रुतो॑ ज॒ज्झती॑रिव भानुर॒र्त॑ त्मना दि॒वः ॥ ५.०५२.०६
 ये वा॒वृध॑न्त पा॒थि॒वा य उ॒राव॑न्तरि॒क्ष आ॑ ।
 वृ॒जने॑ वा नदीनां स॒धस्थे॑ वा महो दि॒वः ॥ ५.०५२.०७
 शर्धो॑ मारु॒तमु॑च्छंस स॒त्यश॑वस॒मृभ॑वसम् ।

उ॒त स्म॑ ते शु॒भे नरः॑ प्र॒ स्य॒न्द्रा यु॒जत॑ त्मना ॥ ५.०५२.०८
 उ॒त स्म॑ ते परु॒ष्ण्यामूर्णा॑ वसत शु॒न्ध्यवः॑ ।
 उ॒त प॒व्या रथाना॑मद्रि॒ भिन्द॑न्त्योजसा ॥ ५.०५२.०९
 आप॑थयो विप॑थयोऽन्त॒स्पथा॑ अनुपथाः ।
 ए॒तेभिर्म॑ह्यं नाम॒भिर्यज्ञं॑ वि॒ष्टार॑ ओ॒हते ॥ ५.०५२.१०
 अ॒धा नरो॑ न्यो॒हतेऽधा॑ नि॒युत॑ ओ॒हते ।
 अ॒धा पारा॑वता इति॒ चित्रा॑ रू॒पाणि॑ द॒श्या ॥ ५.०५२.११
 छ॒न्दःस्तु॑भः कु॒भन्य॑व उत्स॒मा की॑रिणो नृ॒तुः ।
 ते मे॑ के चि॒न्न ता॑यव ऊ॒मा आ॑सन्दृशि त्विषे ॥ ५.०५२.१२
 य ऋ॒ष्वा ऋ॒ष्टिविद्यु॑तः क॒वयः॑ सन्ति वे॒धसः॑ ।
 तमू॑षे मारु॒तं गणं॑ नम॒स्या र॑मया गि॒रा ॥ ५.०५२.१३
 अ॒च्छ ऋ॒षे मारु॑तं गणं॒ दाना॑ मि॒त्रं न यो॑षणा ।
 दि॒वो वा धृ॑ष्णव ओज॒सा स्तु॑ता धी॒भिरि॑षण्यत ॥ ५.०५२.१४
 नू म॒न्वान॑ एषां दे॒वाँ अ॒च्छा न व॑क्षणा ।
 दाना॑ सचेत॒ सूरि॑भिर्यामश्रु॒तेभिर॑ञ्जिभिः ॥ ५.०५२.१५
 प्र ये मे॑ ब॒न्ध्वेषे॑ गां वोच॒न्त सूर॑यः पृ॒श्नि वो॑चन्त मा॒तरम् ।
 अ॒धा पि॑तरमि॒ष्मिण॑ रु॒द्रं वो॑चन्त शि॒क्रसः॑ ॥ ५.०५२.१६
 सप्त॑ मे॒ सप्त॑ शा॒किन॑ एकमेका श॒ता द॑दुः ।
 य॒मुना॑या॒मधि॑ श्रु॒तमु॒द्राधो॑ ग॒व्यं मृ॒जे नि रा॑धो अ॒श्व्यं मृ॒जे ॥ ५.०५२.१७
 को वे॑द जा॒नमे॑षां को वा पु॒रा सु॒म्नेष्वा॑स म॒रुता॑म् ।
 यद्यु॑यु॒जे कि॒ला॒स्यः ॥ ५.०५३.०१
 ऐ॒तान्न॑थेषु त॒स्थुषः॑ कः शु॒श्राव॑ क॒था य॑युः ।
 कस्मै॑ स॒सुः सु॒दासे॑ अ॒न्वाप॑य इ॒ळाभिर्वृ॑ष्टयः स॒ह ॥ ५.०५३.०२
 ते म॑ आ॒हुर्य॑ आ॒ययु॑रुप॒ द्युभिर्वि॑भिर्मदे ।
 नरो॑ म॒र्या अ॑रेपस इ॒मान्प॑श्य॒न्निति॑ ष्ट॒हि ॥ ५.०५३.०३
 ये अ॒ञ्जिषु॑ ये वाशी॒षु स्व॑भानवः स॒क्षु रु॒क्मेषु॑ खा॒दिषु॑ ।

श्राया रथेषु धन्वसु ॥ ५.०५३.०४
 युष्माकं स्मा रथाँ अनु मुदे दधे मरुतो जीरदानवः ।
 वृष्टी द्यावो यतीरिव ॥ ५.०५३.०५
 आ यं नरः सुदानवो ददाशुषे दिवः कोशमचुच्यवुः ।
 वि पर्जन्यं सृजन्ति रोदसी अनु धन्वना यन्ति वृष्टयः ॥ ५.०५३.०६
 ततृदानाः सिन्धवः क्षोदसा रजः प्र ससुर्धेनवा यथा ।
 स्यन्ना अश्वा इवाध्वनो विमोचने वि यद्वर्तन्त एन्यः ॥ ५.०५३.०७
 आ यात मरुतो दिव आन्तरिक्षादमादुत ।
 माव स्थात परावतः ॥ ५.०५३.०८
 मा वो रसानितभा कुभा क्रुमुर्मा वः सिन्धुर्नि रीरमत् ।
 मा वः परि ष्ठात्सरयुः पुरीषिण्यस्मे इत्सुम्नमस्तु वः ॥ ५.०५३.०९
 तं वः शर्धं रथानां त्वेषं गणं मारुतं नव्यसीनाम् ।
 अनु प्र यन्ति वृष्टयः ॥ ५.०५३.१०
 शर्धशर्धं व एषां व्रातव्रातं गणंगणं सुशस्तिभिः ।
 अनु क्रामेम धीतिभिः ॥ ५.०५३.११
 कस्मा अद्य सुजाताय रातहव्याय प्र ययुः ।
 एना यामेन मरुतः ॥ ५.०५३.१२
 येन तोकाय तनयाय धान्यं बीजं वहध्वे अक्षितम् ।
 अस्मभ्यं तद्धत्तन यद्व ईमहे राधो विश्वायु सौभगम् ॥ ५.०५३.१३
 अतीयाम निदस्तिरः स्वस्तिभिर्हित्वावद्यमरातीः ।
 वृष्टी शं योराप उस्त्रि भेषजं स्याम मरुतः सह ॥ ५.०५३.१४
 सुदेवः समहासति सुवीरो नरो मरुतः स मर्त्यः ।
 यं त्रायध्वे स्याम ते ॥ ५.०५३.१५
 स्तुहि भोजान्स्तुवतो अस्य यामनि रणन्नावो न यवसे ।
 यतः पूर्वाँ इव सखीँरनु ह्वय गिरा गृणीहि कामिनः ॥ ५.०५३.१६
 प्र शर्धाय मारुताय स्वभानव इमां वाचमनजा पर्वतच्युते ।

घर्मस्तुभे दिव आ पृष्ठयज्वने द्युम्रश्रवसे महि नृम्णमर्चत ॥ ५.०५४.०१
 प्र वो मरुतस्तविषा उदन्यवो वयोवृधो अश्वयुजः परित्रयः ।
 सं विद्युता दधति वाशति त्रितः स्वरन्त्यापोऽवना परित्रयः ॥ ५.०५४.०२
 विद्युन्महसो नरो अश्मदिद्यवो वातत्विषो मरुतः पर्वतच्युतः ।
 अब्दया चिन्मुहुरा ह्यादुनीवृतः स्तनयदमा रभसा उदोजसः ॥ ५.०५४.०३
 व्यश्कूत्रुद्रा व्यहानि शिक्कसो व्यश्नतरिक्षं वि रजासि धूतयः ।
 वि यदज्राँ अजथ नाव ईं यथा वि दुर्गाणि मरुतो नाह रिष्यथ ॥ ५.०५४.०४
 तद्वीर्यं वो मरुतो महित्वनं दीर्घं ततान सूर्यो न योजनम् ।
 एता न यामे अगृभीतशोचिषोऽनश्वदां यत्र्ययातना गिरिम् ॥ ५.०५४.०५
 अभ्राजि शर्धो मरुतो यदर्णसं मोषथा वृक्षं कपनेव वेधसः ।
 अध स्मा नो अरमतिं सजोषसश्चक्षुरिव यन्तमनु नेषथा सुगम् ॥ ५.०५४.०६
 न स जीयते मरुतो न हन्यते न स्नेधति न व्यथते न रिष्यति ।
 नास्य राय उप दस्यन्ति नोतय ऋषिं वा यं राजानं वा सुषूदथ ॥ ५.०५४.०७
 नियुत्वन्तो ग्रामजितो यथा नरोऽर्यमणो न मरुतः कबन्धिनः ।
 पिन्वन्त्युत्सं यदिनासो अस्वरन्व्युन्दन्ति पृथिवीं मध्वो अन्धसा ॥ ५.०५४.०८
 प्रवत्वतीयं पृथिवी मरुद्भ्यः प्रवत्वती द्यौर्भवति प्रयद्भ्यः ।
 प्रवत्वतीः पथ्या अन्तरिक्ष्याः प्रवत्वन्तः पर्वता जीरदानवः ॥ ५.०५४.०९
 यन्मरुतः सभरसः स्वर्णरः सूर्य उदिते मदथा दिवो नरः ।
 न वोऽश्वाः श्रथयन्ताह सिस्त्रतः सद्यो अस्याध्वनः पारमश्रुथ ॥ ५.०५४.१०
 अंसेषु व ऋष्टयः पत्सु खादयो वक्षस्सु रुक्मा मरुतो रथे शुभः ।
 अग्निभ्राजसो विद्युतो गभस्त्योः शिप्राः शीर्षसु वितता हिरण्ययीः ॥ ५.०५४.११
 तं नाकमर्यो अगृभीतशोचिषं रुशत्पिप्पलं मरुतो वि धूनुथ ।
 समच्यन्त वृजनातिविषन्त यत्स्वरन्ति घोषं विततमृतायवः ॥ ५.०५४.१२
 युष्मादत्तस्य मरुतो विचेतसो रायः स्याम रथ्योऽ वयस्वतः ।
 न यो युच्छति तिष्योऽ यथा दिवोऽऽस्मे रारन्त मरुतः सहस्रिणम् ॥ ५.०५४.१३
 यूयं रयिं मरुतः स्पर्हवीरं यूयमृषिमवथ सामविप्रम् ।
 यूयमर्वन्तं भरताय वाजं यूयं धत्थ राजानं श्रुष्टिमन्तम् ॥ ५.०५४.१४

तद्वो॑ या॒मि द्र॒विणं॑ सद्य॒ऊतयो॑ ये॒ना स्व॑र्णं॒ तत॑ना॒म नू॑रभि ।
 इ॒दं सु॑ मे॒ मरु॑तो ह॒र्यता॑ व॒चो यस्य॑ तरे॒म तर॑सा श॒तं हि॑माः ॥ ५.०५४.१५
 प्र॒यज्य॑वो मरु॒तो भ्राज॑दृष्ट॒यो बृ॒हद्व॑यो॒ दधि॑रे रु॒क्मव॑क्षसः ।
 ई॒यन्ते॑ अ॒श्वेः सु॒यमे॑भिरा॒शुभिः॑ शु॒भं या॑तामनु॒ रथा॑ अवृत्सत ॥ ५.०५५.०१
 स्व॒यं दधि॑ध्वे॒ तवि॑षीं॒ यथा॑ वि॒द बृ॒हन्म॑हान्त उ॒र्विया॑ वि॒ राज॑थ ।
 उ॒तान्तरि॑क्षं॒ ममि॑रे॒ व्यो॒जसा॑ शु॒भं या॑तामनु॒ रथा॑ अवृत्सत ॥ ५.०५५.०२
 सा॒कं जा॑ताः सु॒भ्वः सा॒कमु॑क्षिताः श्रि॒ये चि॑दा प्र॒तरं वा॑वृधु॒र्नरः॑ ।
 वि॒रोकि॑णः॒ सूर्य॑स्येव॒ रश्म॑यः शु॒भं या॑तामनु॒ रथा॑ अवृत्सत ॥ ५.०५५.०३
 आ॒भूषे॑ण्य॒ वो मरु॑तो म॒हित्व॑नं॒ दिदृ॑क्षेण्यं॒ सूर्य॑स्येव॒ चक्ष॑णम् ।
 उ॒तो अ॒स्माँ अ॒मृत॑त्वे॒ दधा॑तन॒ शुभं॑ या॒तामनु॑ रथा॒ अवृत्स॑त ॥ ५.०५५.०४
 उ॒दीर॑यथा मरु॒तः समु॑द्रतो॒ यूयं॑ वृष्टिं॒ वर्ष॑यथा॒ पुरी॑षिणः ।
 न वो॑ द॒स्ना उप॑ दस्यन्ति॒ धे॒नवः॑ शु॒भं या॑तामनु॒ रथा॑ अवृत्सत ॥ ५.०५५.०५
 यद॒श्वान्धूर्षु॑ पृषती॒रयु॑ग्ध्वं॒ हिर॑ण्ययान्प्रत्य॒त्काँ अ॒मुग्ध॑वम् ।
 वि॒श्वा इ॒त्स्पृ॒धो मरु॑तो॒ व्यस्य॑थ शु॒भं या॑तामनु॒ रथा॑ अवृत्सत ॥ ५.०५५.०६
 न प॑र्वता॒ न नद्यो॑ वरन्त॒ वो यत्रा॑चिध्वं॒ मरु॑तो॒ गच्छ॑थेदु॒ तत् ।
 उ॒त द्या॑वापृथि॒वी या॑थना॒ परि॑ शु॒भं या॑तामनु॒ रथा॑ अवृत्सत ॥ ५.०५५.०७
 यत्पू॒र्व्यं मरु॑तो॒ यच्च॑ नू॒तनं॑ यदु॒द्यते॑ वस॒वो यच्च॑ श॒स्यते॑ ।
 वि॒श्वस्य॑ तस्य॒ भव॑था॒ नवे॑दसः॒ शुभं॑ या॒तामनु॑ रथा॒ अवृत्स॑त ॥ ५.०५५.०८
 मृ॒ळत॑ नो मरु॒तो मा॑ वधिष्टना॒स्मभ्यं॑ शर्म॒ बहु॑लं वि॒ यन्त॑न ।
 अ॒धि स्तो॒त्रस्य॑ स॒ख्यस्य॑ गा॒तन॑ शु॒भं या॑तामनु॒ रथा॑ अवृत्सत ॥ ५.०५५.०९
 यू॒यम॑स्मान्नयत॒ वस्यो॑ अ॒च्छा नि॑र॒हति॑भ्यो॒ मरु॑तो गृणा॒नाः ।
 जु॒षध्वं॑ नो ह॒व्यदा॑तिं॒ यज॑त्रा॒ वयं॑ स्याम॒ पत॑यो रयी॒णाम् ॥ ५.०५५.१०
 अ॒ग्ने श॑र्धन्त॒मा ग॑णं॒ पिष्टं॑ रु॒क्मेभि॑रञ्जिभिः ।
 वि॒शो अ॒द्य मरु॑ता॒मव॑ हृ॒ये दि॒वश्चि॑द्रो॒चना॑दधि ॥ ५.०५६.०१
 यथा॑ चि॒न्मन्य॑से हृ॒दा तदि॑न्मे॒ जग्मु॑रा॒शसः॑ ।
 ये ते॑ ने॒दिष्टं॑ ह॒वनान्या॑गम॒न्तान्व॑र्ध॒ भीम॑स॒दृशः॑ ॥ ५.०५६.०२

मी॒ळ्हुष्मती॑व॒ पृथि॑वी॒ परा॑हता॒ मद॑न्त्येत्य॒स्मदा॑ ।
 ऋ॒क्षो न॑ वो॒ मरु॑तः॒ शिमी॑वाँ॒ अमो॑ दु॒ध्रो गौरि॑व भी॒मयुः॑ ॥ ५.०५६.०३
 नि॒ ये रि॑णन्त्यो॒जसा॑ वृथा॒ गावो॑ न दु॒र्धुरः॑ ।
 अश्मानं॑ चित्स्वर्यं॑ प॒वतं॑ गि॒रिं प्र॑ च्यावयन्ति॒ यामभिः॑ ॥ ५.०५६.०४
 उत्तिष्ठ॑ नूनमेपां॒ स्तोमैः॑ समु॒क्षितानाम्॑ ।
 मरु॑ता॒ पुरु॑तमम॒पूर्व्यं गवां॑ सर्गमिव ह्वये ॥ ५.०५६.०५
 यु॒ङ्घ्वं ह्य॑रुषी॒ रथे॑ यु॒ङ्घ्वं रथे॑षु रोहितः ।
 यु॒ङ्घ्वं हरी॑ अजि॒रा धुरि॑ वोळ्हुवे॒ वहि॑ष्ठा धुरि॒ वोळ्हुवे॑ ॥ ५.०५६.०६
 उ॒त स्य॑ वा॒ज्यरु॑षस्तुवि॒ष्वणि॑रिह॒ स्म धायि॑ दर्शतः ।
 मा वो॒ यामे॑षु मरु॒तश्चिरं॑ कर॒त्प्र तं॑ रथेषु चोदत ॥ ५.०५६.०७
 रथं॑ नु मारु॒तं वयं॑ श्रव॒स्युमा॑ हुवामहे ।
 आ यस्मि॑न्त॒स्थौ सुर॑णानि॒ बिभ्र॑ती॒ सचा॑ मरु॒त्सु रोद॑सी ॥ ५.०५६.०८
 तं वः॑ शर्धं॒ रथे॑शुभं॒ त्वेषं॑ प॒नस्यु॑मा हुवे ।
 यस्मि॑न्सुजा॒ता सु॒भगा॑ महीयते॒ सचा॑ मरु॒त्सु मी॒ळ्हुषी॑ ॥ ५.०५६.०९
 आ रु॒द्रास॑ इन्द्र॒वन्तः स॒जोष॑सो हिर॒ण्यरथाः॑ सु॒विता॑य॒ गन्त॑न ।
 इ॒यं वो॑ अ॒स्मत्प्र॑ति॒ हर्य॑ते म॒तिस्तु॑ष्णजे॒ न दि॒व उ॒त्सा उ॒दन्य॑वे ॥ ५.०५७.०१
 वाशी॑मन्त॒ ऋष्टि॑मन्तो॒ मनी॑षिणः॒ सुध॑न्वान॒ इषु॑मन्तो॒ निष॑ङ्गिणः ।
 स्व॒श्वाः स्थ॑ सुर॒थाः पृ॒श्निमा॑तरः॒ स्वायु॑धा मरु॒तो याथ॑ना शु॒भम् ॥ ५.०५७.०२
 धु॒नुथ॑ द्यां प॒र्वता॑न्दाशु॒षे वसु॑ नि॒ वो वना॑ जिहते॒ याम॑नो भि॒या ।
 को॒पय॑थ॒ पृथि॑वीं॒ पृश्नि॑मातरः॒ शुभे॑ यदु॒ग्राः पृ॒षती॑रयु॒ग्व्वम् ॥ ५.०५७.०३
 वा॒त॒त्विषो॑ मरु॒तो वर्ष॑नि॒र्णिजो॑ य॒मा इ॒व सु॑सदृशः॒ सुपे॑शसः ।
 पि॒शङ्गा॑श्वा अरु॒णाश्वा॑ अरे॒पसः॑ प्र॒त्वक्ष॑सो म॒हिना॑ द्यौरि॒वोर॑वः ॥ ५.०५७.०४
 पु॒रु॒द्रप्सा॑ अ॒ञ्जिम॑न्तः॒ सु॒दान॑वस्त्वे॒षसं॑दृशो॒ अन॑व॒भ्ररा॑धसः ।
 सु॒जा॒तासो॑ ज॒नुषा॑ रु॒क्म॑वक्षसो॒ दि॒वो अ॒र्का अ॒मृतं॑ नाम॒ भेजि॑रे ॥ ५.०५७.०५
 ऋ॒ष्टयो॑ वो मरु॒तो अंस॑यो॒रधि॑ सह॒ ओजो॑ बा॒ह्वोर्वो॑ बलं॒ हित॑म् ।
 नृ॒म्णा शी॑र्ष॒स्वायु॑धा॒ रथे॑षु वो॒ विश्वा॑ वः॒ श्री॑रधि॒ तनू॑षु पि॒पिशे॑ ॥ ५.०५७.०६

गोमदश्वावद्रथवत्सुवीरं चन्द्रवद्राधो मरुतो ददा नः ।
 प्रशस्तिं नः कृणुत रुद्रियासो भक्षीय वोऽवसो दैव्यस्य ॥ ५.०५७.०७
 ह्ये नरो मरुतो मृळता नस्तुवीमघासो अमृता ऋतज्ञाः ।
 सत्यश्रुतः कवयो युवानो बृहद्विरयो बृहदुक्षमाणाः ॥ ५.०५७.०८
 तमु नूनं तविषीमन्तमेषां स्तुषे गणं मारुतं नव्यसीनाम् ।
 य आश्वश्वा अमवद्वहन्त उतेशिरे अमृतस्य स्वराजः ॥ ५.०५८.०१
 त्वेषं गणं तवसं खादिहस्तं धुनिव्रतं मायिनं दातिवारम् ।
 मयोभुवो ये अमिता महित्वा वन्दस्व विप्र तुविराधसो नृन् ॥ ५.०५८.०२
 आ वो यन्तूदवाहासो अद्य वृष्टिं ये विश्वे मरुतो जुनन्ति ।
 अयं यो अग्निर्मरुतः समिद्ध एतं जुषध्वं कवयो युवानः ॥ ५.०५८.०३
 यूयं राजानमिर्यं जनाय विभवतष्टं जनयथा यजत्राः ।
 युष्मदिति मुष्टिहा बाहुजूतो युष्मत्सदश्वो मरुतः सुवीरः ॥ ५.०५८.०४
 अरा इवेदचरमा अहेव प्रप्र जायन्ते अकवा महोभिः ।
 पृश्रः पुत्रा उपमासो रभिष्ठाः स्वया मत्या मरुतः सं मिमिक्षुः ॥ ५.०५८.०५
 यत्प्रायासिष्ट पृषतीभिरश्वेर्वीळुपविभिर्मरुतो रथेभिः ।
 क्षोदन्त आपो रिणते वनान्यवोस्त्रियो वृषभः क्रन्दतु द्यौः ॥ ५.०५८.०६
 प्रथिष्ट यामन्यृथिवी चिदेषां भर्तेव गर्भं स्वमिच्छवो धुः ।
 वातान्हाश्वान्धुर्यायुयुञ्जे वर्षं स्वेद चक्रिरे रुद्रियासः ॥ ५.०५८.०७
 ह्ये नरो मरुतो मृळता नस्तुवीमघासो अमृता ऋतज्ञाः ।
 सत्यश्रुतः कवयो युवानो बृहद्विरयो बृहदुक्षमाणाः ॥ ५.०५८.०८
 प्र वः स्पळक्रन्सुविताय दावनेऽर्चा दिवे प्र पृथिव्या ऋतं भरे ।
 उक्षन्ते अश्वान्तरुषन्त आ रजोऽनु स्वं भानुं श्रथयन्ते अर्णवैः ॥ ५.०५९.०१
 अमादेषां भियसा भूमिरेजति नौर्न पूर्णा क्षरति व्यथिर्यती ।
 दूरेदृशो ये चितयन्त एमभिरन्तर्महे विदथे येतिरे नरः ॥ ५.०५९.०२
 गवामिव श्रियसे शृङ्गमुत्तमं सूर्यो न चक्षु रजसो विसर्जने ।
 अत्या इव सुभ्वश्शारवः स्थन मया इव श्रियसे चेतथा नरः ॥ ५.०५९.०३

को वो महान्ति महतामुदश्रवत्कस्काव्या मरुतः को ह पौंस्या ।
 यूयं ह भूमिं किरणं न रेजथ प्र यद्भ्रध्वे सुविताय दावने ॥ ५.०५९.०४
 अश्वा इवेदरुषासः सबन्धवः शूरा इव प्रयुधः प्रोत युयुधुः ।
 मर्या इव सुवृधो वावृधुर्नरः सूर्यस्य चक्षुः प्र मिनन्ति वृष्टिभिः ॥ ५.०५९.०५
 ते अज्येष्ठा अकनिष्ठास उद्भिदोऽमध्यमासो महसा वि वावृधुः ।
 सुजातासो जनुषा पृश्निमातरो दिवो मर्या आ नो अच्छा जिगातन ॥ ५.०५९.०६
 वयो न ये श्रेणीः पत्तुरोजसान्तान्दिवो बृहतः सानुनस्परि ।
 अश्वास एषामुभये यथा विदुः प्र पर्वतस्य नभन्नूरचुच्यवुः ॥ ५.०५९.०७
 मिमातु द्यौरदितिर्वीतये नः सं दानुचित्रा उषसो यतन्ताम् ।
 आचुच्यवुर्दिव्यं कोशमेत ऋषे रुद्रस्य मरुतो गृणानाः ॥ ५.०५९.०८
 ईळे अग्निं स्ववसं नमोभिरिह प्रसतो वि चयत्कृतं नः ।
 रथेरिव प्र भरे वाजयद्विः प्रदक्षिणिन्मरुतां स्तोममृध्याम् ॥ ५.०६०.०१
 आ ये तस्थुः पृषतीषु श्रुतासु सुखेषु रुद्रा मरुतो रथेषु ।
 वना चिदुग्रा जिहते नि वो भिया पृथिवी चिद्रेजते पर्वतश्चित् ॥ ५.०६०.०२
 पर्वतश्चिन्महि वृद्धो बिभाय दिवश्चित्सानु रेजत स्वने वः ।
 यत्क्रीळथ मरुत ऋष्टिमन्त आप इव सघ्न्यश्चो धवध्वे ॥ ५.०६०.०३
 वरा इवेद्रेवतासो हिरण्यैरभि स्वधाभिस्तन्वः पिपिश्रे ।
 श्रिये श्रेयांसस्तवसो रथेषु सत्रा महासि चक्रिरे तनूषु ॥ ५.०६०.०४
 अज्येष्ठासो अकनिष्ठास एते सं भ्रातरो वावृधुः सौभगाय ।
 युवा पिता स्वपा रुद्र एषां सुदुघा पृश्निः सुदिना मरुद्भ्यः ॥ ५.०६०.०५
 यदुत्तमे मरुतो मध्यमे वा यद्वावमे सुभगासो दिवि ष्ठ ।
 अतो नो रुद्रा उत वा न्वशस्याग्ने वित्ताद्धविषो यद्यजाम ॥ ५.०६०.०६
 अग्निश्च यन्मरुतो विश्ववेदसो दिवो वहध्व उत्तरादधि ष्णुभिः ।
 ते मन्दसाना धुनयो रिशादसो वामं धत्त यजमानाय सुन्वते ॥ ५.०६०.०७
 अग्ने मरुद्भिः शुभयद्विर्ऋक्भिः सोमं पिब मन्दसानो गणश्रिभिः ।
 पावकेभिर्विश्वमिन्वेभिरायुभिर्वैश्वानर प्रदिवा केतुना सजूः ॥ ५.०६०.०८

के ष्ठा नरः श्रेष्ठतमा य एकएक आयय ।
 परमस्याः परावतः ॥ ५.०६१.०१
 क्व॑ वोऽश्वाः क्वा॑भीशवः कथं शेक कथा यय ।
 पृष्ठे सदा नसोर्यमः ॥ ५.०६१.०२
 जघने चोद एषां वि सक्थानि नरो यमुः ।
 पुत्रकृथे न जनयः ॥ ५.०६१.०३
 परा वीरास एतन मर्यासो भद्रजानयः ।
 अग्नि॑तपो यथासथ ॥ ५.०६१.०४
 सनत्साश्च्यं पशुमु॑त गव्यं शता॑वयम् ।
 श्या॑वाश्वस्तु॒ताय॑ या दोर्वी॑रायोपबर्बृ॒हत् ॥ ५.०६१.०५
 उ॒त त्वा स्त्री शशी॑यसी पुंसो भवति॑ वस्यसी ।
 अदे॑वत्रादराधसः ॥ ५.०६१.०६
 वि या जाना॑ति जसुरिं॑ वि तृष्यन्तं॑ वि कामि॑नम् ।
 दे॒वत्रा कृणु॑ते मनः ॥ ५.०६१.०७
 उ॒त घा नेमो॑ अस्तु॒तः पुमाँ॑ इति॑ ब्रुवे पणिः ।
 स वैर॑देय इत्समः ॥ ५.०६१.०८
 उ॒त मेऽर॑पद्युवति॑ममन्दुषी॑ प्रति श्या॑वाय॑ वर्तनिम् ।
 वि रोहि॑ता पुरुमी॑व्हाय॑ येम॒तुर्वि॑प्राय॑ दीर्घ॑यशसे ॥ ५.०६१.०९
 यो मे धे॑नूनां शतं॑ वैदद॑श्चिर्यथा॑ ददत् ।
 तर॑न्त इव मंह॑ना ॥ ५.०६१.१०
 य ई॑ वहन्त आ॒शुभिः॑ पिबन्तो मदि॑रं मधु ।
 अत्र॑ श्रवा॑सि दधिरे ॥ ५.०६१.११
 येषां श्रि॑याधि॒ रोद॑सी वि॒भ्राज॑न्ते रथे॒ष्वा ।
 दि॒वि रु॒क्म इ॒वोप॑रि ॥ ५.०६१.१२
 यु॒वा स मारु॑तो ग॒णस्त्वे॒पर॑थो अने॑द्यः ।
 शु॒भंया॑वाप्रतिष्कृतः ॥ ५.०६१.१३
 को वे॑द नूनमे॑षां यत्रा॑ मदन्ति॑ धूतयः ।

ऋतजाता अरेपसः ॥ ५.०६१.१४

यूयं मर्तं विपन्यवः प्रणेतारं इत्था धिया ।

श्रोतारो यामहृतिषु ॥ ५.०६१.१५

ते नो वसूनि काम्या पुरुश्चन्द्रा रिशादसः ।

आ यज्ञियासो ववृत्तन ॥ ५.०६१.१६

एतं मे स्तोममूर्ध्ने दाभ्याय परा वह ।

गिरो देवि रथीरिव ॥ ५.०६१.१७

उत मे वोचतादिति सुतसोमे रथवीतौ ।

न कामो अप वेति मे ॥ ५.०६१.१८

एष क्षेति रथवीतिर्मघवा गोमतीरनु ।

पर्वतेष्वपश्रितः ॥ ५.०६१.१९

ऋतेन ऋतमपिहितं ध्रुवं वां सूर्यस्य यत्र विमुचन्त्यश्वान् ।

दश शता सह तस्थुस्तदेकं देवानां श्रेष्ठं वपुषामपश्यम् ॥ ५.०६२.०१

तत्सु वा मित्रावरुणा महित्वमीर्मा तस्थुषीरहभिर्दुदुहे ।

विश्वाः पिन्वथः स्वसरस्य धेना अनु वामेकः पविरा ववर्त ॥ ५.०६२.०२

अधारयतं पृथिवीमुत द्यां मित्रराजाना वरुणा महोभिः ।

वर्धयतमोषधीः पिन्वतं गा अव वृष्टिं सृजतं जीरदानू ॥ ५.०६२.०३

आ वामश्वासः सुयुजो वहन्तु यतरश्मय उप यन्त्वर्वाक् ।

घृतस्य निर्णिगनु वर्तते वामुप सिन्धवः प्रदिवि क्षरन्ति ॥ ५.०६२.०४

अनु श्रुताममतिं वर्धदुर्वी बर्हीरिव यजुषा रक्षमाणा ।

नमस्वन्ता धृतदक्षाधि गर्ते मित्रासाथे वरुणेळास्वन्तः ॥ ५.०६२.०५

अक्रविहस्ता सुकृते परस्पा यं त्रासाथे वरुणेळास्वन्तः ।

राजाना क्षत्रमहृणीयमाना सहस्रस्थूणं बिभृथः सह द्वौ ॥ ५.०६२.०६

हिरण्यनिर्णिगयो अस्य स्थूणा वि भ्राजते दिव्यश्वाजनीव ।

भद्रे क्षेत्रे निमिता तित्विले वा सनेम मध्वो अधिगर्त्यस्य ॥ ५.०६२.०७

हिरण्यरूपमुषसो व्युष्टावयःस्थूणमुदिता सूर्यस्य ।

आ रोहथो वरुण मित्रं गर्तमतश्चक्षथे अदितिं दितिं च ॥ ५.०६२.०८

यद्वहिष्ठं नातिविधे सुदान् अच्छिद्रं शर्म भुवनस्य गोपा ।
 तेन नो मित्रावरुणावविष्टं सिषासन्तो जिगीवांसः स्याम ॥ ५.०६२.०१
 ऋतस्य गोपावधि तिष्ठथो रथं सत्यधर्माणा परमे व्योमनि ।
 यमत्र मित्रावरुणावथो युवं तस्मै वृष्टिर्मधुमत्पिन्वते दिवः ॥ ५.०६३.०१
 सम्राजावस्य भुवनस्य राजथो मित्रावरुणा विदथे स्वर्दृशा ।
 वृष्टिं वां राधो अमृतत्वमीमहे द्यावापृथिवी वि चरन्ति तन्यवः ॥ ५.०६३.०२
 सम्राजा उग्रा वृषभा दिवस्पती पृथिव्या मित्रावरुणा विचर्षणी ।
 चित्रेभिरभ्रैरुप तिष्ठथो रवं द्यां वर्षयथो असुरस्य मायया ॥ ५.०६३.०३
 माया वा मित्रावरुणा दिवि श्रिता सूर्यो ज्योतिश्चरति चित्रमायुधम् ।
 तमभ्रेण वृष्ट्या गूहथो दिवि पर्जन्य द्रप्सा मधुमन्त ईरते ॥ ५.०६३.०४
 रथं युञ्जते मरुतः शुभे सुखं शूरो न मित्रावरुणा गविष्टिषु ।
 रजासि चित्रा वि चरन्ति तन्यवो दिवः सम्राजा पयसा न उक्षतम् ॥ ५.०६३.०५
 वाचं सु मित्रावरुणाविरावतीं पर्जन्यश्चित्रां वदति त्विषीमतीम् ।
 अभ्रा वसत मरुतः सु मायया द्यां वर्षयतमरुणामरेपसम् ॥ ५.०६३.०६
 धर्मणा मित्रावरुणा विपश्चिता व्रता रक्षथे असुरस्य मायया ।
 ऋतेन विश्वं भुवनं वि राजथः सूर्यमा धत्थो दिवि चित्र्यं रथम् ॥ ५.०६३.०७
 वरुणं वो रिशादसमृचा मित्रं हवामहे ।
 परि व्रजेव बाह्वोर्जगन्वांसा स्वर्णरम् ॥ ५.०६४.०१
 ता बाहवा सुचेतुना प्र यन्तमस्मा अचते ।
 शेवं हि जार्यं वां विश्वासु क्षासु जोगुवे ॥ ५.०६४.०२
 यन्नूनमश्यां गतिं मित्रस्य यायां पथा ।
 अस्यं प्रियस्य शर्मण्यहिंसानस्य सश्चिरे ॥ ५.०६४.०३
 युवाभ्यां मित्रावरुणोपमं धेयामृचा ।
 यद्ध क्षये मघोनां स्तोतृणां च स्पर्धसे ॥ ५.०६४.०४
 आ नो मित्र सुदीतिभिर्वरुणश्च सधस्थ आ ।
 स्वे क्षये मघोनां सखीनां च वृधसे ॥ ५.०६४.०५

यु॒वं नो॑ ये॒षु वरु॑ण॒ क्षत्रं॑ बृ॒हच्च॑ बि॒भृथः॑ ।
 उ॒रु गो॑ वा॒जसा॑तये कृ॒तं रा॑ये स्व॒स्तये॑ ॥ ५.०६४.०६
 उ॒च्छन्त्या॑ मे य॒जता॑ दे॒वक्ष॑त्रे रु॒शद्भ॑वि ।
 सु॒तं सोमं॑ न ह॒स्तिभि॑रा प॒ङ्क्ति॑र्धा॒वतं॑ नरा॒ बिभ्र॑ताव॒र्चनान॑सम् ॥ ५.०६४.०७
 यश्चि॑केत॒ स सु॒क्रतु॑र्दे॒वत्रा॑ स ब्र॒वीतु॑ नः ।
 वरु॑णो॒ यस्य॑ दर्श॒तो मि॒त्रो वा॑ वन॒ते गि॑रः ॥ ५.०६५.०१
 ता हि॑ श्रेष्ठ॒वर्च॑सा॒ राजा॑ना दी॒र्घश्रु॑त्त॒मा ।
 ता स॒त्पती॑ ऋ॒तावृ॑ध॒ ऋता॑वाना॒ जने॑जने ॥ ५.०६५.०२
 ता वा॒मिया॑नोऽव॒से पूर्वा॑ उप॒ ब्रुवे॑ स॒चा ।
 स्व॒श्वासः॑ सु॒ चेतु॑ना॒ वाजाः॑ अ॒भि प्र॑ दा॒वने॑ ॥ ५.०६५.०३
 मि॒त्रो अ॑होश्चि॒दादु॑रु॒ क्षया॑य गा॒तुं वन॑ते ।
 मि॒त्रस्य॑ हि प्र॒तूर्व॑तः सु॒मति॑रस्ति॒ विध॑तः ॥ ५.०६५.०४
 वयं॑ मि॒त्रस्या॑व॒सि स्या॑म स॒प्रथ॑स्तमे ।
 अ॒नेह॑स॒स्त्वोत॑यः स॒त्रा वरु॑णशेष॒सः ॥ ५.०६५.०५
 यु॒वं मि॒त्रेमं॑ ज॒नं यत॑थः सं च॒ नय॑थः ।
 मा म॒घोनः॑ परि॒ ख्यतं॑ मो अ॒स्माक॑मृ॒षीणां॑ गो॒पीथे॑ न उरु॒ष्यतम् ॥ ५.०६५.०६
 आ चि॑कितान॒ सु॒क्रतू॑ दे॒वौ म॑र्त॒ रिशा॑द॒सा ।
 वरु॑णाय॒ ऋत॑पेश॒से द॑धीत॒ प्रय॑से म॒हे ॥ ५.०६६.०१
 ता हि॑ क्ष॒त्रम॑वि॒हुतं॑ स॒म्यग॑सु॒र्य॑माशा॒ते ।
 अध॑ ब्र॒तेव॑ मानु॒षं स्व॑र्णं॒ धायि॑ दर्श॒तम् ॥ ५.०६६.०२
 ता वा॒मेपे॑ रथाना॒मुर्वी॑ ग॒व्यूति॑मेषाम् ।
 रा॒तह॑व्यस्य सु॒ष्टुतिं॑ द॒धृक्स्तो॑मै॒र्मना॑महे ॥ ५.०६६.०३
 अधा॑ हि का॒व्या यु॒वं दक्ष॑स्य पू॒र्भिर॑द्भु॒ता ।
 नि॒ के॒तुना॑ ज॒नानां॑ चि॒केथे॑ पू॒तदक्ष॑सा ॥ ५.०६६.०४
 तदृ॒तं पृ॑थि॒वि बृ॑ह॒च्छ्रव॑ण॒ ऋषी॑णाम् ।
 ज॒यसा॑ना॒वरं॑ पृ॒थ्वति॑ क्षर॒न्ति॒ याम॑भिः ॥ ५.०६६.०५

आ यद्दामीयचक्षसा मित्रं वयं च सूरयः ।
 व्यचिष्टे बहुपाय्ये यतेमहि स्वराज्ये ॥ ५.०६६.०६
 बळित्था देव निष्कृतमादित्या यजतं बृहत् ।
 वरुण मित्रार्यमन्वषिष्ठं क्षत्रमाशाथे ॥ ५.०६७.०१
 आ यद्योनिं हिरण्ययं वरुण मित्र सदथः ।
 धर्तारा चर्षणीनां यन्तं सुम्रं रिशादसा ॥ ५.०६७.०२
 विश्वे हि विश्ववेदसो वरुणो मित्रो अर्यमा ।
 व्रता पदेव सश्चिरे पान्ति मर्त्यं रिषः ॥ ५.०६७.०३
 ते हि सत्या ऋतस्पृश ऋतावानो जनेजने ।
 सुनीथासः सुदानवोऽहोश्चिदुरुचक्रयः ॥ ५.०६७.०४
 को नु वा मित्रास्तुतो वरुणो वा तनूनाम् ।
 तत्सु वामेषते मतिरत्रिभ्य एषते मतिः ॥ ५.०६७.०५
 प्र वो मित्राय गायत वरुणाय विपा गिरा ।
 महिक्षत्रावृतं बृहत् ॥ ५.०६८.०१
 सम्राजा या घृतयोनी मित्रश्चोभा वरुणश्च ।
 देवा देवेषु प्रशस्ता ॥ ५.०६८.०२
 ता नः शक्तं पार्थिवस्य महो रायो दिव्यस्य ।
 महि वां क्षत्रं देवेषु ॥ ५.०६८.०३
 ऋतमृतेन सपन्तेषिरं दक्षमाशाते ।
 अद्रुहा देवो वर्धते ॥ ५.०६८.०४
 वृष्टिद्यावा रीत्यापेषस्पती दानुमत्याः ।
 बृहन्तं गर्तमाशाते ॥ ५.०६८.०५
 त्री रोचना वरुण त्रीरुत द्यून्त्रीणि मित्र धारयथो रजांसि ।
 वावृधानावमति क्षत्रियस्यानु व्रतं रक्षमाणावज्युर्मम् ॥ ५.०६९.०१
 इरावतीवरुण धेनवो वां मधुमद्वां सिन्धवो मित्र दुहे ।
 त्रयस्तस्थुर्वृषभासस्तिसृणां धिषणानां रेतोधा वि द्युमन्तः ॥ ५.०६९.०२

प्रा॒तर्दे॒वीमदि॑तिं जोह॒वीमि॑ म॒ध्यंदि॒न उदि॑ता सूर्य॒स्य ।
 रा॒ये मि॒त्रावरु॑णा सर्वा॒ताते॑ळे तो॒काय॑ तनया॒य शं योः ॥ ५.०६९.०३
 या ध॒र्तारा॑ रज॒सो रोच॑नस्यो॒तादि॑त्या दि॒व्या पा॒र्थिव॑स्य ।
 न वा॑ दे॒वा अ॒मृता॑ आ मि॒नन्ति॑ व्र॒तानि॑ मि॒त्रावरु॑णा ध्रु॒वाणि॑ ॥ ५.०६९.०४
 पु॒रू॒रुणा॑ चि॒द्ध्यस्त्य॑वो नूनं॑ वा॑ वरुण ।
 मि॒त्र वंसि॑ वा॑ सु॒मति॑म् ॥ ५.०७०.०१
 ता वा॑ स॒म्यग॑द्रु॒ह्वाणे॑षमश्याम॒ धाय॑से ।
 व॒यं ते रु॒द्रा स्या॑म ॥ ५.०७०.०२
 पा॒तं नो॑ रु॒द्रा पा॒युभि॑रु॒त त्रा॑येथां सु॒त्रात्रा॑ ।
 तु॒र्याम॑ दस्यू॒न्तनू॑भिः ॥ ५.०७०.०३
 मा क॑स्याद्भु॒तक्र॑तू॒ यक्षं॑ भु॒जेमा॑ त॒नूभिः॑ ।
 मा शेष॑सा॒ मा तन॑सा ॥ ५.०७०.०४
 आ नो॑ गन्तं रिशाद॒सा वरु॑ण मि॒त्र ब॑र्हणा ।
 उ॒पे॒मं चा॑रुमध्व॒रम् ॥ ५.०७१.०१
 विश्व॑स्य॒ हि प्र॑चेतसा॒ वरु॑ण मि॒त्र राज॑थः ।
 ई॒शाना॑ पि॒प्यतं॑ धियः ॥ ५.०७१.०२
 उ॒प नः॑ सु॒तमा॑ गतं॒ वरु॑ण मि॒त्र दा॑शुषः ।
 अ॒स्य सो॑मस्य पी॒तये॑ ॥ ५.०७१.०३
 आ मि॒त्रे वरु॑णे व॒यं गी॑र्भिर्जु॒हुमो॑ अ॒त्रिव॑त् ।
 नि ब॑र्हिषि॒ सद॑तं सोमपी॒तये ॥ ५.०७२.०१
 व्र॒तेन॑ स्थो ध्रु॒वक्षे॑मा॒ धर्म॑णा या॒तय॑ञ्जना ।
 नि ब॑र्हिषि॒ सद॑तं सोमपी॒तये ॥ ५.०७२.०२
 मि॒त्रश्च॑ नो॒ वरु॑णश्च जु॒षेता॑ य॒ज्ञमि॑ष्टये ।
 नि ब॑र्हिषि॒ सद॑तां सोमपी॒तये ॥ ५.०७२.०३
 यद॑द्य स्थः प॒राव॑ति॒ यद॑र्वावत्य॒श्विना॑ ।
 यद्वा॑ पु॒रू पु॑रुभुजा॒ यद॑न्तरि॒क्ष आ॑ गतम् ॥ ५.०७३.०१

इह त्या पुरुभूतमा पुरू दंसांसि बिभ्रता ।
 वरस्या याम्यग्निगू हवे तुविष्टमा भुजे ॥ ५.०७३.०२
 ईर्मान्यद्वपुषे वपुश्चक्रं रथस्य येमथुः ।
 पर्यन्या नाहुषा युगा म्हा रजांसि दीयथः ॥ ५.०७३.०३
 तदू षु वामेना कृतं विश्वा यद्वामनु ष्वे ।
 नाना जातावरेपसा समस्मे बन्धुमेयथुः ॥ ५.०७३.०४
 आ यद्वा सूर्या रथं तिष्ठद्रघुष्यदं सदा ।
 परि वामरुषा वयो घृणा वरन्त आतपः ॥ ५.०७३.०५
 युवोरत्रिश्चिकेतति नरा सुम्नेन चेतसा ।
 घर्मं यद्वामरेपसं नासत्यास्ना भुरण्यति ॥ ५.०७३.०६
 उग्रो वा ककुहो ययिः शृण्वे यामेषु संतनिः ।
 यद्वा दंसोभिरश्विनार्त्रिर्नराववर्तति ॥ ५.०७३.०७
 मध्व ऊ षु मधूयुवा रुद्रा सिषक्ति पिप्युषी ।
 यत्समुद्राति पषथः पक्काः पृक्षो भरन्त वाम् ॥ ५.०७३.०८
 सत्यमिद्धा उ अश्विना युवामाहुर्मयोभुवा ।
 ता यामन्यामहूतमा यामन्ना मृळयत्तमा ॥ ५.०७३.०९
 इमा ब्रह्माणि वर्धनाश्विभ्यां सन्तु शंतमा ।
 या तक्षाम रथाँ इवावोचाम बृहन्नमः ॥ ५.०७३.१०
 कूष्ठो देवावश्विनाद्या दिवो मनावसू ।
 तच्छ्रवथो वृषण्वसू अत्रिर्वामा विवासति ॥ ५.०७४.०१
 कुह त्या कुह नु श्रुता दिवि देवा नासत्या ।
 कस्मिन्ना यतथो जने को वा नदीनां सचा ॥ ५.०७४.०२
 कं याथः कं ह गच्छथः कमच्छा युञ्जाथे रथम् ।
 कस्य ब्रह्माणि रण्यथो वयं वामुश्मसीष्टये ॥ ५.०७४.०३
 पौरं चिद्बुदप्रुतं पौर पौराय जिन्वथः ।
 यदीं गृभीततातये सिंहमिव द्रुहस्पदे ॥ ५.०७४.०४

प्र च्यवानाञ्जुजुरुषो वत्रिमत्कं न मुञ्चथः ।
 युवा यदी कृथः पुनरा काममृण्वे वध्वः ॥ ५.०७४.०५
 अस्ति हि वामिह स्तोता स्मसि वां संदृशि श्रिये ।
 नू श्रुतं म आ गतमवोभिर्वाजिनीवसू ॥ ५.०७४.०६
 को वामद्य पुरूणामा वत्रे मत्यानाम् ।
 को विप्रो विप्रवाहसा को यज्ञैर्वाजिनीवसू ॥ ५.०७४.०७
 आ वां रथो रथानां येष्टो यात्वश्विना ।
 पुरू चिदस्मयुस्तिर आङ्गषो मर्त्येष्वाम् ॥ ५.०७४.०८
 शमू षु वां मधूयुवास्माकमस्तु चर्कृतिः ।
 अर्वाचीना विचेतसा विभिः श्येनेव दीयतम् ॥ ५.०७४.०९
 अश्विना यद्ध कर्हि चिच्छुश्रूयातमिमं हवम् ।
 वस्वीरू षु वां भुजः पृञ्चन्ति सु वां पृचः ॥ ५.०७४.१०
 प्रति प्रियतमं रथं वृषणं वसुवाहनम् ।
 स्तोता वामश्विनावृषिः स्तोमेन प्रति भूषति माध्वी मम श्रुतं हवम् ॥ ५.०७५.०१
 अत्यायातमश्विना तिरो विश्वा अहं सना ।
 दस्रा हिरण्यवर्तनी सुषुम्ना सिन्धुवाहसा माध्वी मम श्रुतं हवम् ॥ ५.०७५.०२
 आ नो रत्नानि विभ्रतावश्विना गच्छतं युवम् ।
 रुद्रा हिरण्यवर्तनी जुषाणा वाजिनीवसू माध्वी मम श्रुतं हवम् ॥ ५.०७५.०३
 सुष्टुभो वां वृषण्वसू रथे वाणीच्याहिता ।
 उत वां ककुहो मृगः पृक्षः कृणोति वापुषो माध्वी मम श्रुतं हवम् ॥ ५.०७५.०४
 बोधिन्मनसा रथ्येषिरा हवनश्रुता ।
 विभिश्च्यवानमश्विना नि याथो अद्वयाविनं माध्वी मम श्रुतं हवम् ॥ ५.०७५.०५
 आ वां नरा मनोयुजोऽश्वासः प्रुषितप्सवः ।
 वयो वहन्तु पीतये सह सुम्नेभिरश्विना माध्वी मम श्रुतं हवम् ॥ ५.०७५.०६
 अश्विनावेह गच्छतं नासत्या मा वि वेनतम् ।
 तिरश्चिदर्यया परि वर्तिर्यातमदाभ्या माध्वी मम श्रुतं हवम् ॥ ५.०७५.०७

अस्मिन्यज्ञे अदाभ्या जरितारं शुभस्पती ।
 अवस्युमश्विना युवं गृणन्तमुप भूषथो माध्वी मम श्रुतं हवम् ॥ ५.०७५.०८
 अभूदुषा रुशत्पशुराग्निरधाय्यृत्वियः ।
 अयोजि वां वृषण्वसू रथो दस्त्रावमर्त्यो माध्वी मम श्रुतं हवम् ॥ ५.०७५.०९
 आ भात्यग्निरुषसामनीकमुद्विप्राणां देवया वाचो अस्थुः ।
 अर्वाश्चा नूनं रथ्येह यातं पीपिवांसमश्विना घर्ममच्छ ॥ ५.०७६.०१
 न संस्कृतं प्र मिमीतो गमिष्ठान्ति नूनमश्विनोपस्तुतेह ।
 दिवाभिपित्वेऽवसागमिष्ठा प्रत्यवर्तिं दाशुषे शम्भविष्ठा ॥ ५.०७६.०२
 उता यातं संगवे प्रातरह्वो मध्यंदिन उदिता सूर्यस्य ।
 दिवा नक्तमवसा शंतमेन नेदानीं पीतिरश्विना ततान ॥ ५.०७६.०३
 इदं हि वां प्रदिवि स्थानमोक इमे गृहा अश्विनेदं दुरोणम् ।
 आ नो दिवो बृहतः पर्वतादाञ्चो यातमिषमूर्जं वहन्ता ॥ ५.०७६.०४
 समश्विनोरवसा नूतनेन मयोभुवा सुप्रणीती गमेम ।
 आ नो रयिं वहतमोत वीराना विश्वान्यमृता सौभगानि ॥ ५.०७६.०५
 प्रातर्यावाणा प्रथमा यजध्वं पुरा गृध्रादररुषः पिबातः ।
 प्रातर्हि यज्ञमश्विना दधाते प्र शंसन्ति कवयः पूर्वभाजः ॥ ५.०७७.०१
 प्रातर्यजध्वमश्विना हिनोत न सायमस्ति देवया अजुष्टम् ।
 उतान्यो अस्मद्यजते वि चावः पूर्वःपूर्वो यजमानो वनीयान् ॥ ५.०७७.०२
 हिरण्यत्वङ्गधुवर्णो घृतसुः पृक्षो वहन्ना रथो वर्तते वाम् ।
 मनोजवा अश्विना वातरंहा येनातियाथो दुरितानि विश्वा ॥ ५.०७७.०३
 यो भूयिष्ठं नासत्याभ्यां विवेष चनिष्ठं पित्वो ररते विभागे ।
 स तोकमस्य पीपरच्छमीभिरनूर्ध्वभासः सदमित्तुतुर्यात् ॥ ५.०७७.०४
 समश्विनोरवसा नूतनेन मयोभुवा सुप्रणीती गमेम ।
 आ नो रयिं वहतमोत वीराना विश्वान्यमृता सौभगानि ॥ ५.०७७.०५
 अश्विनावेह गच्छतं नासत्या मा वि वेनतम् ।
 हंसाविव पततमा सुताँ उप ॥ ५.०७८.०१

अश्विना हरिणाविव गौराविवानु यवसम् ।
 हंसाविव पततमा सुताँ उप ॥ ५.०७८.०२
 अश्विना वाजिनीवसू जुषेथा यज्ञमिष्टये ।
 हंसाविव पततमा सुताँ उप ॥ ५.०७८.०३
 अत्रिर्यद्वामरोहन्नुबीसमजोहवीत्राधमानेव योषा ।
 श्येनस्य चिञ्जवसा नूतनेनागच्छतमश्विना शंतमेन ॥ ५.०७८.०४
 वि जिहीष्व वनस्पते योनिः सूष्यन्त्या इव ।
 श्रुतं मे अश्विना हवं सप्तवध्रिं च मुञ्चतम् ॥ ५.०७८.०५
 भीताय नाधमानाय ऋषये सप्तवध्रये ।
 मायाभिरश्विना युवं वृक्षं सं च वि चाचथः ॥ ५.०७८.०६
 यथा वातः पुष्करिणीं समिङ्गयति सर्वतः ।
 एवा ते गर्भ एजतु निरैतु दशमास्यः ॥ ५.०७८.०७
 यथा वातो यथा वनं यथा समुद्र एजति ।
 एवा त्वं दशमास्य सहावेहि जरायुणा ॥ ५.०७८.०८
 दश मासाञ्छशयानः कुमारो अधि मातरि ।
 निरैतु जीवो अक्षतो जीवो जीवन्त्या अधि ॥ ५.०७८.०९
 महे नो अद्य बोधयोषो राये दिवित्मती ।
 यथा चित्रो अबोधयः सत्यश्रवसि वाय्ये सुजाते अश्वसूनृते ॥ ५.०७९.०१
 या सुनीथे शौचद्रथे व्यौच्छो दुहितर्दिवः ।
 सा व्युच्छ सहीयसि सत्यश्रवसि वाय्ये सुजाते अश्वसूनृते ॥ ५.०७९.०२
 सा नो अद्याभरद्वसुव्युच्छा दुहितर्दिवः ।
 यो व्यौच्छः सहीयसि सत्यश्रवसि वाय्ये सुजाते अश्वसूनृते ॥ ५.०७९.०३
 अभि ये त्वा विभावरि स्तोमेर्गृणन्ति वह्यः ।
 मघैर्मघोनि सुश्रियो दामन्वन्तः सुरातयः सुजाते अश्वसूनृते ॥ ५.०७९.०४
 यच्चिद्धि ते गणा इमे छुदयन्ति मघत्तये ।
 परि चिद्वष्टयो दधुर्ददतो राधो अहयं सुजाते अश्वसूनृते ॥ ५.०७९.०५

ऐषु धा वीरवद्यश उषो मघोनि सूरिषु ।
 ये नो राधांस्यहया मघवानो अरासत सुजाते अश्वसूनृते ॥ ५.०७९.०६
 तेभ्यो द्युम्रं बृहद्यश उषो मघोन्या वह ।
 ये नो राधांस्यश्या गव्या भजन्त सूरयः सुजाते अश्वसूनृते ॥ ५.०७९.०७
 उत नो गोमतीरिष आ वहा दुहितर्दिवः ।
 साकं सूर्यस्य रश्मिभिः शुक्रैः शोचद्विरर्चिभिः सुजाते अश्वसूनृते ॥ ५.०७९.०८
 व्युच्छा दुहितर्दिवो मा चिरं तनुथा अपः ।
 नेत्त्वा स्तेनं यथा रिपुं तपाति सूर्यो अर्चिषा सुजाते अश्वसूनृते ॥ ५.०७९.०९
 एतावद्वेदुषस्त्वं भूयो वा दातुमर्हसि ।
 या स्तोतृभ्यो विभावर्युच्छन्ती न प्रमीयसे सुजाते अश्वसूनृते ॥ ५.०७९.१०
 द्युतद्यामानं बृहतीमृतेन ऋतावरीमरुणप्सु विभातीम् ।
 देवीमुषसं स्वरावहन्तीं प्रति विप्रासो मतिभिर्जरन्ते ॥ ५.०८०.०१
 एषा जनं दर्शता बोधयन्ती सुगान्पथः कृण्वती यात्यग्रे ।
 बृहद्रथा बृहती विश्वमिन्वोषा ज्योतिर्यच्छत्यग्रे अह्वाम् ॥ ५.०८०.०२
 एषा गोभिररुणेभिर्युजानास्त्रेधन्ती रयिमप्रायु चक्रे ।
 पथो रदन्ती सुविताय देवी पुरुष्टता विश्ववारा वि भाति ॥ ५.०८०.०३
 एषा व्येनी भवति द्विबर्हा आविष्कृण्वाना तन्वं पुरस्तात् ।
 ऋतस्य पन्थामन्वेति साधु प्रजानतीव न दिशो मिनाति ॥ ५.०८०.०४
 एषा शुभ्रा न तन्वो विदानोर्ध्वं व स्नाती दृशये नो अस्थात् ।
 अप द्वेषो बाधमाना तमास्युषा दिवो दुहिता ज्योतिषागात् ॥ ५.०८०.०५
 एषा प्रतीची दुहिता दिवो नृन्योषेव भद्रा नि रिणीते अप्सः ।
 व्यूर्ध्वती दाशुषे वार्याणि पुनर्ज्योतिर्युवतिः पूर्वथाकः ॥ ५.०८०.०६
 युञ्जते मन उत युञ्जते धियो विप्रा विप्रस्य बृहतो विपश्चितः ।
 वि होत्रा दधे वयुनाविदेक इन्मही देवस्य सवितुः परिष्टुतिः ॥ ५.०८१.०१
 विश्वा रूपाणि प्रति मुञ्चते कविः प्रासावीद्भद्रं द्विपदे चतुष्पदे ।
 वि नाकमख्यत्सविता वरेण्योऽनु प्रयाणमुषसो वि राजति ॥ ५.०८१.०२

यस्य प्रयाणमन्वन्य इद्ययुर्देवा देवस्य महिमानमोजसा ।
 यः पार्थिवानि विममे स एतशो रजांसि देवः सविता महित्वना ॥ ५.०८१.०३
 उत यासि सवितस्त्रीणि रोचनोत सूर्यस्य रश्मिभिः समुच्यसि ।
 उत रात्रीमुभयतः परीयस उत मित्रो भवसि देव धर्मभिः ॥ ५.०८१.०४
 उतेशिषे प्रसवस्य त्वमेक इदुत पूषा भवसि देव यामभिः ।
 उतेदं विश्वं भुवनं वि राजसि श्यावाश्वस्ते सवितः स्तोममानशे ॥ ५.०८१.०५
 तत्सवितुर्वृणीमहे वयं देवस्य भोजनम् ।
 श्रेष्ठं सर्वधातमं तुरं भगस्य धीमहि ॥ ५.०८२.०१
 अस्य हि स्वयशस्तरं सवितुः कच्चन प्रियम् ।
 न मिनन्ति स्वराज्यम् ॥ ५.०८२.०२
 स हि रत्नानि दाशुषे सुवाति सविता भगः ।
 तं भागं चित्रमीमहे ॥ ५.०८२.०३
 अद्या नो देव सवितः प्रजावत्सावीः सौभगम् ।
 परा दुष्वप्र्यं सुव ॥ ५.०८२.०४
 विश्वानि देव सवितर्दुरितानि परा सुव ।
 यद्भद्रं तन्न आ सुव ॥ ५.०८२.०५
 अनागसो अदितये देवस्य सवितुः सवे ।
 विश्वा वामानि धीमहि ॥ ५.०८२.०६
 आ विश्वदेवं सत्पतिं सूक्तैरद्या वृणीमहे ।
 सत्यसवं सवितारम् ॥ ५.०८२.०७
 य इमे उभे अहनी पुर एत्यप्रयुच्छन् ।
 स्वाधीर्देवः सविता ॥ ५.०८२.०८
 य इमा विश्वा जातान्याश्रावयति श्लोकेन ।
 प्र च सुवाति सविता ॥ ५.०८२.०९
 अच्छा वद तवसं गीर्भिराभिः स्तुहि पर्जन्यं नमसा विवास ।
 कनिक्रदद्दृषभो जीरदानू रेतो दधात्योषधीषु गर्भम् ॥ ५.०८३.०१

वि वृक्षान्हन्त्युत हन्ति रक्षसो विश्वं बिभाय भुवनं महावधात् ।
 उतानागा ईषते वृष्ण्यावतो यत्पर्जन्यः स्तनयन्हन्ति दुष्कृतः ॥ ५.०८३.०२
 रथीव कशयाश्चाँ अभिक्षिपन्नाविर्दूतान्कृणुते वर्ष्णाँ३ अह ।
 दूरात्सिंहस्य स्तनथा उदीरते यत्पर्जन्यः कृणुते वर्ष्णं१ नभः ॥ ५.०८३.०३
 प्र वाता वान्ति पतयन्ति विद्युत् उदोषधीर्जिहते पिन्वते स्वः ।
 इरा विश्वस्मै भुवनाय जायते यत्पर्जन्यः पृथिवीं रेतसावति ॥ ५.०८३.०४
 यस्य व्रते पृथिवी नन्नमीति यस्य व्रते शफवञ्जभुरीति ।
 यस्य व्रत ओषधीर्विश्वरूपाः स नः पर्जन्य महि शर्म यच्छ ॥ ५.०८३.०५
 दिवो नो वृष्टिं मरुतो ररीध्वं प्र पिन्वत वृष्णो अश्वस्य धाराः ।
 अर्वाङ्ङितेन स्तनयिलुनेह्यपो निषिञ्चन्नसुरः पिता नः ॥ ५.०८३.०६
 अभि क्रन्द स्तनय गर्भमा धा उदन्वता परि दीया रथेन ।
 दृतिं सु कर्ष विषितं न्यञ्चं समा भवन्तूद्धतो निपादाः ॥ ५.०८३.०७
 महान्तं कोशमुदचा नि षिञ्च स्यन्दन्तां कुल्या विषिताः पुरस्तात् ।
 घृतेन द्यावापृथिवी व्युन्धि सुप्रपाणं भवत्वघ्न्याभ्यः ॥ ५.०८३.०८
 यत्पर्जन्य कनिऋदत्स्तनयन्हंसि दुष्कृतः ।
 प्रतीदं विश्वं मोदते यत्किं च पृथिव्यामधि ॥ ५.०८३.०९
 अवर्षीर्वर्षमुदु पू गृभायाकर्धन्वान्यत्येतवा उ ।
 अजीजन ओषधीर्भोजनाय कमुत् प्रजाभ्योऽविदो मनीषाम् ॥ ५.०८३.१०
 बळित्था पर्वतानां खिद्रं बिभर्षि पृथिवि ।
 प्र या भूमिं प्रवत्वति म्हा जिनोषि महिनि ॥ ५.०८४.०१
 स्तोमासस्त्वा विचारिणि प्रति ष्टोभन्त्यक्तुभिः ।
 प्र या वाजं न हेषन्तं पेरुमस्यस्यर्जुनि ॥ ५.०८४.०२
 दृक्हा चिद्या वनस्पतीन्क्षमया दर्धर्ष्योजसा ।
 यत्ते अभ्रस्य विद्युतो दिवो वर्षन्ति वृष्टयः ॥ ५.०८४.०३
 प्र सम्राजे बृहदर्चा गभीरं ब्रह्म प्रियं वरुणाय श्रुताय ।
 वि यो जघान शमितेव चमोपस्तिरे पृथिवीं सूर्याय ॥ ५.०८५.०१

वनेषु व्य॑न्तरि॒क्षं ततान॑ वाज॒मर्वत्सु॑ पय॑ उ॒स्त्रिया॑सु ।
 ह॒त्सु ऋतुं॑ वरु॒णो अ॒प्स्व॑श्निं दि॒वि सूर्य॑मदधात्सोममद्रौ ॥ ५.०८५.०२
 नी॒चीन॑वारं वरु॒णः कव॑न्धं प्र सस॒र्ज रोद॑सी अ॒न्तरि॒क्षम् ।
 तेन॑ वि॒श्वस्य॑ भुवनस्य॒ राजा॑ यवं न वृ॒ष्टिव्यु॑नत्ति भूम ॥ ५.०८५.०३
 उ॒नत्ति॑ भूमिं पृथि॒वीमु॒त द्यां यदा॑ दुग्धं वरु॒णो व॒ष्ट्यादि॑त् ।
 सम॑भ्रेण॒ वसत॑ पर्वतासस्तविषीयन्तः श्रथयन्त वी॒राः ॥ ५.०८५.०४
 इ॒मामू॒ ष्वासु॑रस्य॒ श्रुत॑स्य॒ महीं॑ मायां वरु॒णस्य॑ प्र वोचम् ।
 माने॑नेव तस्थि॒वाँ अ॒न्तरि॒क्षे वि॒ यो म॑मे पृथि॒वीं सूर्ये॑ण ॥ ५.०८५.०५
 इ॒मामू॒ नु क॑वितमस्य॒ मायां॑ महीं॒ देव॑स्य॒ नकि॑रा दधर्ष ।
 एकं॑ यदुद्रा न पृणन्त्येनी॒रासि॑श्चन्ती॒रवन॑यः समुद्रम् ॥ ५.०८५.०६
 अ॒र्य॑म्यं वरु॒ण मि॒त्र्यं वा॑ सखायं वा॒ सद॑मिद्भा॒तरं वा॑ ।
 वेशं॑ वा॒ नित्यं॑ वरु॒णार॑णं वा॒ यत्सी॑मागंश्च॒कृमा॑ शि॒श्रथ॑स्तत् ॥ ५.०८५.०७
 कि॒तवा॑सो यद्वि॒रिपु॑र्न दी॒वि यद्वा॑ घा स॒त्यमु॑त यन्न वि॒द्य ।
 सर्वा॑ ता वि॒ष्य शि॒थिरे॑व दे॒वाधा॑ ते स्याम वरु॒ण प्रि॒यासः॑ ॥ ५.०८५.०८
 इन्द्रा॑ग्नी॒ यम॑वथ उ॒भा वा॒जेषु॑ म॒र्त्यम् ।
 दृ॒क्त्वा चि॑त्स प्र भेदति द्यु॒म्ना वा॑णीरि॒व त्रि॑तः ॥ ५.०८६.०१
 या पृ॒तना॑सु दु॒ष्टरा॑ या वा॒जेषु॑ श्रवा॒य्या ।
 या प॒ञ्च च॑र्षणी॒रभीन्द्रा॑ग्नी॒ ता ह॑वामहे ॥ ५.०८६.०२
 तयो॑रिदमवच्छ॒वस्ति॑ग्मा दि॒द्युन्म॑घो॒नोः ।
 प्रति॑ द्रुणा॒ गभ॑स्त्यो॒र्गवा॑ वृ॒त्रघ्न॑ एषते ॥ ५.०८६.०३
 ता वा॒मेपे॑ रथानामिन्द्रा॒ग्नी ह॑वामहे ।
 पती॑ तुरस्य॒ राध॑सो वि॒द्वांसा॑ गिर्व॒णस्त॑मा ॥ ५.०८६.०४
 ता वृ॒धन्ता॑वनु॒ द्यून्म॑ताय॒ देवा॑व॒दभा॑ ।
 अ॒हन्ता॑ चि॒त्पुरो॑ दधे॒ऽशे॑व दे॒वाव॑व॒ते ॥ ५.०८६.०५
 ए॒वेन्द्रा॑ग्निभ्यामहा॒वि ह॒व्यं शू॒ष्यं घृ॒तं न॑ पू॒तम॑द्रिभिः ।
 ता सूरि॑षु श्रवो॒ बृह॑द्रथि॒ गृण॑त्सु दि॒धृत॑मिषं॒ गृण॑त्सु दि॒धृत॑म् ॥ ५.०८६.०६

प्र वो॑ म॒हे म॒तयो॑ यन्तु॒ विष्ण॑वे म॒रुत्व॑ते गि॒रिजा॑ ए॒वयाम॑रुत् ।
 प्र शर्धा॑य प्रय॒ज्यवे॑ सु॒खाद॑ये तवसे॑ भ॒न्ददि॑ष्टये धुनि॒व्रता॑य श॒वसे ॥ ५.०८७.०१
 प्र ये जा॒ता म॒हिना॑ ये च॒ नु स्व॑यं प्र वि॒द्यना॑ ब्रुवत॒ एव॑यामरुत् ।
 ऋत्वा॑ तद्वो मरुतो॑ नाधृषे शवो॑ दाना॒ म॒ह्ना तदेषाम॑धृष्टासो॒ नाद्र॑यः ॥ ५.०८७.०२
 प्र ये दि॒वो बृ॑हतः शृ॒ण्विरे॑ गि॒रा सु॑शुक्लानः सु॒भ्व ए॒वयाम॑रुत् ।
 न येषा॑मिरी॒ सध॑स्थ ईष्ट॒ आँ अ॒ग्नयो॑ न स्वविद्युतः॒ प्र स्य॑न्द्रासो॒ धुनी॑नाम् ॥
 ५.०८७.०३
 स च॑क्रमे महतो॑ निरु॒रुक्रमः॑ स॒मान॑स्मात्सदस॒ एव॑यामरुत् ।
 यदा॑युक्त॒ त्मना॑ स्वादधि॒ ष्णुभिर्वि॑पर्धसो॒ विम॑हसो॒ जिगा॑ति॒ शेवृ॑द्यो॒ नृभिः ॥
 ५.०८७.०४
 स्व॒नो न वोऽम॑वात्रेजय॒द्वृषा॑ त्वेषो॒ ययि॑स्तविष॒ एव॑यामरुत् ।
 येना॑ सहन्त॒ ऋञ्ज॑त॒ स्वरो॑चिषः॒ स्थार॑श्मानो॒ हिर॑ण्ययाः॒ स्वायु॑धास॒ इष्मि॑णः ॥
 ५.०८७.०५
 अ॒पारो॑ वो॒ म॒हिमा॑ वृद्धशवसस्त्वेषं शवो॑ऽव॒त्वेव॑यामरुत् ।
 स्था॒तारो॑ हि प्रसि॒तौ सं॑दृशि॒ स्थन॑ ते न उरु॒ष्यता॑ नि॒दः शु॑शुक्लांसो॒ नाग्न॑यः ॥
 ५.०८७.०६
 ते रु॒द्रासः॑ सु॒म॒खा अ॒ग्नयो॑ यथा तुविद्यु॒म्ना अ॑वन्त्वे॒वयाम॑रुत् ।
 दी॒र्घं पृ॑थु॒ पप्र॑थे स॒द्य पार्थि॑वं॒ येषा॑मज्मेष्वा॒ महः॑ शर्धा॑स्यद्भु॒तैत॑नसाम् ॥ ५.०८७.०७
 अ॒द्वेषो॑ नो मरुतो॑ गा॒तुमे॑तन॒ श्रोता॑ हव॒ जरि॑तुरे॒वयाम॑रुत् ।
 विष्णो॑र्म॒हः स॑मन्यवो यु॒योत॑न॒ स्मद्र॑थ्यो॒ न दं॑सनाप॒ द्वेषा॑सि स॒नुतः ॥ ५.०८७.०८
 गन्ता॑ नो य॒ज्ञं य॑ज्ञियाः सु॒शमि॑ श्रोता॒ हव॑मर॒क्ष ए॒वयाम॑रुत् ।
 ज्येष्ठा॑सो॒ न प॑र्वतासो॒ व्यो॑मनि॒ यूयं॑ तस्य प्रचे॒तसः॑ स्यात॒ दुर्ध॑र्तवो॒ नि॒दः ॥ ५.०८७.०९

Last updated July 2, 2013

Special mention : Initial processing and help by Avinash and Shashi Sathaye, Avinash Chopde, Shree Devi Kumar, Sunder Hattangadi, John Gardner.

Reprocessed from Original in final form by Detlef Eichler with additional corrections.

See Detlef's site <http://www.detlef108.de/Rigvedatm>

for other details and formats.

The text is shown with accents (Anudattas, dependent Svaritas, and independent Svaritas including Kampas). Words are connected (agnimILe).

Ch is doubled as in gachChati according to the rules of Rigveda-Pratishakhya. At the end of a word m is replaced by Anusvara M if the initial letter of the following word is a labial stop consonant (p, ph, b, bh, m).

Visarga H before sh, Sh or s followed by a voiceless consonant has been restored.

Source : The Aufrecht/van Nooten/Holland (Samhita) version of the Rigveda (<http://www.people.fas.harvard.edu/~witzel/onlineRVtm>).

In this text accented vowels have Udatta or 'independent Svarita' markers.

Kampas are not shown. Words are separated (agnim ILe).

Ch is not doubled as in gaChati. At the end of a word we find m before a following labial stop consonant (p, ph, b, bh, m).

Visarga H before sh, Sh or s followed by a voiceless consonant has been dropped according to a rule of Rigveda-Pratishakhya.

Send corrections to : detlefeichler@googlemail.com, sanskrit@cheerful.com

—
.. *Rigveda Mandala 5* ..

pdf was created on November 12, 2017

—

Please send corrections to sanskrit@cheerful.com

